

१७६

दर्ता नं.:४८/२०७६/७७


पुर्खा दय्क तकगु सम्पत्ति, भीगु कला व संस्कृति
पिकाक-भक्तपुर नगरपालिका



पुर्खा दय्क तकगु सम्पत्ति, भीगु कला व संस्कृति

ह्वय्या

नेपाल संवत् १९४६ चौलागा / २०८३ वैशाख १ / 2026 Apr. / ल्या: १५३, दौ:८



ह्वय्या लोकहवागु बिस्का जात्रा व
न्हंगु वर्ष २०८२/८३ या भिन्तुना

बिस्काजात्रा तः जिक हानय्ता स्वापु ढःपुं नपां बैठक

२०८२ चैत २४ गते)



बिस्काजात्रा सभ्य मव्यकाथं डाय्केता मिन्तुना न्याली

२०८२ चैत्र २७ गते)



न्हूंगुवर्ष २०८३ व बिस्का नखाया भिन्तुना

२०८२ सालता बिदाबियो २०८३ सालया न्हूंगु वर्षता लसकुस याडः चवडा । नेपः या राजनीतिक इतिहासय २०८२ साल विशेष वर्ष काथं जुयो च्वनि । भाद्र २३ व २४ गतेया नेन्ह्या आन्दोलनय विध्वंशात्मक ज्याखं नेपः या तःतः हांगु दल धःगु नेका व एमाले गाथिया सरकार तासया छँ थें दत । प्रधानमन्त्री जीवन सुरक्षाया लागिं हेलिकप्टरय चवडः बिसे वानय माल । नेकाया सभापति शेर बहादुर देउवाया जहान नपां नेम्हा तेपुता थःगु हे छँ दायकः च्वनय माल । देया सर्वोच्च निकायत व्यवस्थापिका, कार्यपालिका व न्यायपालिका नपां सलंसः सरकारी भवन, प्रहरी प्रशासन कार्यालयत, नेतातय्गु निजी छँत आसे धाय मलाकः नौ जुल । संसद विघटन व न्हूंगु निर्वाचनया परिस्थिति दयकल ।

२०८४ सालय नियमित निर्वाचन जुय मः गुलि २०८३ फागुन २१ गते हे प्रतिनिधि सभाया निर्वाचन जुल । निर्वाचनय तः तः हांगु दल धःगु एमाले, नेका, नेपाल कम्युनिस्ट पार्टी फुक्कसिता छखय लिडकः रास्वपां थयं मथ्ये स्वब्वखय नेव्व बहुमत ह्लासा यें महानगरपालिकाया पूर्व नगर प्रमुख बालेन्द्र साहया न्हयलुवाय न्हूंगु सरकार दयकः हज्याडः च्वंगु जुल ।

भाद्र महिनाया आन्दोलन व वनलिपाया घटनाक्रमता विश्लेषण याडः गुलिं बुद्धिजीवीपिसं थुकिया लिउने सं.रा. अमेरिका व भारतया लाहा दःगु ठोक्वा याडः च्वंगु दः । आन्दोलनया इवल्य बारबरा फाउण्डेसन, समता फाउण्डेसन, अमेरिकी युथ काउन्सिल, TOB पुचः व मेमेगु अन्तरराष्ट्रिय गैर सरकारी संस्थातय्गु तहांगु लाहा दःगु खाँ प्याहाँ वयो च्वंगु दः ।

न्हूंगु धःगु दलया न्हयलुवाय सरकार निःस्वानय धुंकसेलीं जनतां अपलं इच्छा व आशा तयो च्वंगु दः । भ्रष्टाचार मुक्त सुशासन, बजार भः थिकय मयाय्गु, अःपुक स्वास्थ्य सेवा काय दैगु, शिक्षाया सुनिश्चितता, त्वनय्गु नाः उथिंयंकः काय दैगु थजगु अपलं समस्यात ज्यनिगु आशा याडः च्वंगु दः ।

न्हपायाय्पुं सरकारं यागु बाँमलागु ज्या पाखं सिडकः, थुडकः सरकार जनताया मति थुडकः हज्याय फःसा जनतां हकनं त्याक्य फः । मखुसा न्ह्याम्हा हे जोगी वसां न्हयपंचा धेडः तःपुं कनफट्टा त धायथें मेगु चुनावय रास्वपाता दुरुखय वांम्हा भुजिं थें हाकुतिडः छ्वई ।

ख्वपय् बिस्का जात्रा न्ह्याक्य धुंकल । चैत्र २७ गते द्यो क्वहँ बिज्याडः न्ह्याकगु २०८३ बैशाख ५ गते द्यो थाहाँ बिज्याक जात्रा क्वचाय्की । थुगु जात्रा नं च्याचा गुन्हु डायकी । नगरपालिकाया गवसालय फुक्क स्वापु दःपुं नपां बैठक चवडः शान्तिपूर्ण व सभ्यतरिकां जात्रा डायकेगु इनाप काथं २७ गतेया जात्रा शान्तिपूर्ण काथं क्वचाय धुंकल । चैत्र ३० गते ल्योसिं छयलय ल्योसिं थानी, तालाक्व लाहामरु ल्योसिंद्यो थानी । २०८३ बैशाख १ गते लाहा दःम्हा ल्योसिंद्यो क्वःथैसा बैशाख ५ गते लाहामरु ल्योसिंद्यो क्वः थै । थुगु इलय त्वालय -त्वालय थी थी द्योया जात्रा नं याई । उकि मध्ये ब्रम्हायणी-माहेश्वरी, इन्द्रायणी, छुम गणेद्यो, बाराही, महाकाली-महालक्ष्मी थी थी जात्रात नं याई । गुगु जात्रा त नं शान्तिपूर्ण हे जुडगु मति दः ।

प्रविधिया लिधंसाय हलिमयया सकल मन्तयसं प्रत्यक्ष स्वयं फैगु बिस्का जात्राता सभ्य व सुसंस्कृत काथं क्वचाय्केगु सकल ख्वपया जनताया कर्तव्य व जिम्मेवारी नं खः । अन्तरराष्ट्रिय महत्व नपां कः घाडः च्वंगु बिस्का जात्रा तः जिक हानय्तु । बिस्का जात्रा व न्हूंगु वर्ष २०८३ या भिन्तुना ।

पिकाक-ख्वप नगरपालिका/सम्पादक-आशाकुमार चिकंभञ्जार, डेस्कटप-धन लक्ष्मी त्यात, आवरण सज्जा- रेणु ध्वजु, थाकू- भक्तपुर अफसेट प्रिन्टर्स फोन ल्याः ०१-६६९३०४३, इ-मेल- khwopapau@gmail.com

छम्हा कविया मतिनाया बारवं

नारायण मान बिजुव्छें 'रोहित' (हरिबहादुर श्रेष्ठ)

कथहें :

(हरिबहादुर श्रेष्ठका कथाहरू पाखं)

'थाना भायो द्युपुँ सकलें पासापुं अज्ञानतां जूगु दोष गल्ली जुय फैमखु । बरु कमजोरी जक जुई । व लज्या (लज्जाशीलता) व शिष्टताया भावना व नैतिक मुल्यं जिता अनुशासित व आत्मनियन्त्रित याता । गुकिंयाडः जि थः पासानपांनं जिगु जिम्मेवारी मगागु याता लाहापातिं धस्वाकल । अलय वहे भाबुकतां जिता काव्य चवयथाय लुतुलुयो यंकल । अलय जिता भन भन कल्पनाया तः तः गःगु सागरया नेखयसिथय थानय यंकल । अलय जिता छु खायँ सन्तोष दः धःसा जिं थःगु बचं गुब्लें हे हाचां गायो वानय म्वः । उकिं हे जिता सुनं मथुइक अज्ञानतावश ब्यूगु श्रापनं लगय जुइमखु । अलय छुं गनां प्रायश्चित्त याय मःथें नं जिं मतायका ।'

सभाया हःनय नं छम्हा ल्याम्होचाम्हासिनं दाडः न्हयसः तल- 'कविजिं वयकलं अःतक इहिपा मयानिला ?' ल्याम्होचाम्हासिं न्यंगू वयागु सरलतां कविजिता छक न्हयलय मः सिं वल । छाय धः सा न्हयसः तप्यंक हे मेम्हासिया जीवनय् दुग्यडः वाडः चवन अथेनं कविजिं अःपुक लिसः बिल- हिदा हाँतक वयकलं इहिपा यागु मरुनि अलय छगू सूत्रं न्यडा काथं जीवं कःछि कुमारी हे जुयो चवनयगु प्रतिज्ञा याय धुंकल हँ । वयकया आत्माता शान्ति दयमः धायगु मतिं अलय कामना यासे जिं वयकया प्रतिज्ञा (वचं) भंग जुइगु काथं वा मनय् ख्वँ मरुगु खाँ ल्हाकिगु काथं छुं हे कृतः मयाडा । छम्हा छम्हा पासा व क्वातुपुं आत्मीय पासापिनिगु, थः मनूया इच्छा पुवांकय्ता ग्वाहाली यायगु थःगु कर्तव्य जुई । हिंदा थुखय जि थः हे मेगु हे ज्याखय

अथेधाय साहित्य साधनाखय् लिइमलाक जुयागुलिं अः वयक छु ज्या याडः चवना, गना दः अलय वाता छु जुला ? धायगु छुं छुं हे खाँ जिं मसिया । जिं चासो तयो जुलकीं प्रतिज्ञा भङ्ग जुइगु मतिं जि थःमनं नं वयकता लुमांकः छ्वयगु मनं मनं कुतः यायगु ।'

ल्याम्होचाम्हा सिनं हकनं दाडः काचाक्क न्हयसः तल- 'अथेसा छिं छुः वकयता पूरा हे लुमांक छ्वयता तःलातला ?'

"अहँ, जि वयकता लुमांक छ्वय मफया । उपहारकाथं जिं वयकपाखं नेगू वस्तु कायागु दः । - वयकया छपा किपा व छपु चवसा (कलम) । किपा हिदा हिंदादा हाँ निसें छायपियो छगू फ्रेमय तयो तयागु जिगु दराजय दः अलय वं ब्यूगु चवसां हे जिं चिनाखँत चवयगु । खः धात्थें व किपा व चवसा नपां जिगु मन स्वाडः चवनय् धुंकल, गुकिता अग्रेजी 'पासन' अलय खय भाषं 'आत्मीयता' । नेवः भाषं नुगः चिं । व किपाता अःजिं मनू काथं मकः सिं फूलदानीया छफ्व स्वं पीडित छम्हा आत्मा व दलित छगू देया रूपय् कायो चवडा, व चवसाता जि छम्हा सिपाहीया ल्वाभः व प्रेरणाया ध्वासा काथं कायगु याडा ।'

कविजिं थःगुखाँ क्वचाय्के हे मलाकः वहे ल्याम्होचाम्हा हकनं दाडः न्यन- 'कविजी, अथेजसा अःछिं ब्योह याय् मखुला ?' न्हयसः छपुतलं कविजिया व्यक्तिगत जीवनय तः क्यँ वल । व न्हयसलं चिलः वानय मफै थें चवडः कविजिं चट्ट लिसः बिल - जि ३०-३२ दाया बैसं पुलय धुंकल, उकीं जिं ब्योह याय् मति फुक्क हे त्याग याय् धुन कविजिया लिसलं सभाय् भःपुं मनूतयगु मनय दिक्क दाक्क जूगु ख्वालं क्यडः चवन वं वयाता बयाता स्वयो च्वंगु ख्वालं छकः

कविजिया भावुक बिचः छकः व्यवहारिक ताय्के मफूत ।

सभाया दशवी राधा दाडः कविजिता स्वयो धाल - '३० दा ३५ दा उलिं वांगु बैस मखु, बच्छी स्वयो अपः हायँपुगु जीवनं मनूतयता पिडः हे च्वनि तिनी । सायद कविजि व्यावहारिक जीवनं बिसे वानयगु कुतः याडः हे चवना । बिसे वानयगु वाचा व ज्या(कर्मणां) खं बिसे वानयगु खः। बिसे वानयगु पलायनवाद मनूतयगु दुर्बलताया चिं खः । गुम्हां गुम्हां मां ब्वा या छँयायगु वा समाज यायगु बिजोग खाडः आत्महत्या तक नं याईगु खाँ ल्हाई । श्वयां धुकीं, धम्की व कायरता बाहेकं मेगु छुं हे मखु । श्व निराशाया हे लक्षण खः । निराशावाद व निराशावादी साहित्यं समाजता हज्याकय फै मखु ।' थुली धाय धुंकः, राधा फेतुत । अलय वं खाँ ल्हाइगु स्याचुपहः व मन क्वसायक खाँ ल्हाइगु पहः कविजिता छगू बैचारिक हाँक जुगुथें सकसिनं तायकल । व हाँकं कविजिता छकः काथं मछिंगु थें जुगु फुक्क सिनं अनुभव यात । कविजिं थःता सम्हालय यायगु कुतः यायां धाल - "हिंदादा - नीदाया जीवन संघर्षय यक्व मखुसां जिं छुं छुं व्यावहारिक अनुभव नं याडागु दः । जिता ब्यूगु द्रपं व सम्भदारीस्वयो धात्थेंगु खाँ पा । थौं नं सामन्ति समाजय इहिपा जातभात, छँ, बँ व सम्पतिनपां जुइगु खःसा पुँजीवादी समाजय इहिया लुँ वह, बङ्गला, मोटरकार, मोटरसाइकल, विश्वविद्यालयया दसिपौ, जागिर वा बैडकया धेबा नपां जुई । व बाहेकं थःता भातिचा उदार अलय आधुनिक धाइपिसं ने इहिपा, बैस, नं, समा (श्रृङ्गार), क्वँ व लाया कालबिल जक मति तै । मिसा चायगु पाखय यायपिसं तः मिपुं व

सच्छि व न्हयगुगु स्वप पौ. बःछि पौ (पाक्षिक)

बांलागु आमदानी दःम्हा स्वइसा मिजंचाया पक्षया पिसं अपलं क्वसः दःम्हा वा आमदानी दःपुं मिसाचा स्वई थुकाथं ब्योहया भावना विचः व मन मिलय जुपुं मजूसें निर्दयी ब्यापारी कालबिल, लब दइगु व खःगु मखुगु खाँ ल्हाइगुति जुई । मनूतयूता ल्वय जुयफः, बुहाबुही जुइतिनी तःमि. चिमी जुयफः सीय नं फः धायगु खाँ लुमांकः छ्वई । मनू जक भौतिक वस्तु मखु वयाकय् आध्यात्मिक वा भावनात्मक स्वापु नं दै धायगु खाँ नं लुमांकः छ्वै । उकिं गुलिं मां ब्वापिसं ख्व ख्वं धायगु या - बैस स्वयो जि म्हयाय बियो छ्वया अथेनं विधवा (याकामिसा) जुल, भगवानया लीला थये हे खः, भागयय् च्वयो तःगु सुनं हुय फैमखु, हिलय फैमखु । गुम्हासिं धाई - धन, सम्पति, जागिर व ब्वडः तयां छु यायगु ? फलाना (अछीं) या जिलाजं नं फलाना (अछिं)या भम्चा ब्वाकय यंकला वा फलानाम्हासिया म्हयाय मचा बिसिकय यंकला । गुम्हासिं धाई - तःमि म्हा, अपलं सम्पति दः म्हा बैसजःम्हा भःतः दयां छुयाय फलानाया भौमचा थः ब्वा धाय ल्वःम्हा नपां वान । गुम्हासिं धाई-काय- म्हयाय दःम्हा मिजंचां मेम्हा लिथु ह्वंकय् हला, काय- म्हयाय दय धुम्हा भौमचा मेम्हा मिजंचा तिडः वाना । थजगु अपलं खाँत समाजय न्यनय स्वय दः । छु थव व्यावहारिक सत्य मखुला ? जातपात-धन-सम्पति, ब्वडः तःम्हा जिचाभाजु माल च्वँ च्वं घमण्ड याडः च्वंतलय बेजातम्हा सिकय म्हयायमचा मेलय वांसेलीं न्हाय वाना जक हः, जुपुं मां पुं समाजय गुली दः । अथेहे नाटिकुटी व घमण्ड याडः जूपुं मां ब्वापिनिगु न्हाय ध्यडः स्कूल व कलेजया मिजंपासा ल्यू ल्यं, पौपाखं पासा (पत्र मित्र) दयक, जागिर नः वांथाय् थःम्हा हाकिम व हेड मास्तर नपां लसपस याडः जूपुं नं मरुगु मखु । म्हयाय मचातयूता नं छु माला ? छँ यायपिसं मसियवं गात । जिं व्यवहारता थुइक च्वडा । जिं उकी भाबुकताया बुट्टानं

तयगु मतिताया, गुकीं समाजता सुमधुर यायूता ग्वाहाली जुई । जिगु धापु थुलिदक खः, बिसे वानय ताडागु, पक्का नं मखु । भौगु समाजता सांस्कृतिक रूपं अज गुलि च्वय यंकिथें स्वययबाकी हे दःनि धायगु खाँ जिं थव सभाय् वयो च्वडाबलय् लायँ छम्हा मिसां मेम्हासिता बियो च्वंगु लिसलं सियद । वं धायोच्वना -वंगना थः मिसाता माया याई दक ? वं यां खाली साफूता जक माया याइगु हँ, म्यँ व चिनाखँ जक च्वयो च्वनिगु हँ । अजम्हा मनूया छाय ब्योह याय् माला हँ । ब्वडः तःपुं मनूत नपां नं ब्योह याकय मज्यूगु जुयो च्वना ।

हानय बहम्हा सभापति जु, अलय थाना भयो द्यूपुं सकलें साहित्यप्रेमी पासापुं सायद जिं छिकपिनिगु मनय लुयोवयो च्वंगु जिज्ञासाता भातिचा जूसां ज्यंकय् धुथें तायका अथे धाय् मेगु छुं काथं न्यडः च्वंपुं न्यडामिपिनिगु मनया खाँ मनय् बुयो वगु खाँ (कौतुहलता) व उत्सुकताता संतुष्ट यायगु कुतः नं याय् फैगु आशा तया । थुलि धायो जिं छिकपिन्के बिदा फवनय ।

कविजि थःगु मेच पाखय वानेता तिनी ताना, सभाया हःनयया इवलय् च्वम्हा ल्हवंम्हा चस्मादःम्हा बुढा दान अलय् लाहा थाडः सभापतिकय् नुवायगु अनुमति फवन । सभापतिं कपः सांकः अनुमति बिल । बुढाया मति थुइकः कविजि हकनं माइकया हःनयं तुं दाँ वान । बुहां भाचा चतारं नुवाडः लिपा लातकीं धायगु लोकया खाँपु छखे लिइकः - 'कवि जिं अशिष्टता जुल धायगु मति मतयगु जुसा जिं दकलय लिपा छगु न्हयसः न्यनय फैला ? 'पक्का नं' धाथें अः छिं ब्योह याय् हे मखुतला ?

सभापति जु अलय पासापुं, जिं न्हच हे धाय धुन । जिगु बैस ३०-३२ दा थयन । जिं म्हासियापुं सुं मिसापुं पासापुं ब्योह मजुपुं ल्यं मत' । 'अथे जूसा छु ब्योह यायूता उमेर हे क्वः छिइगु बस्तु खः ला ? बुहां हकनं न्हयसः तल । कविजिं लिसः

बिल - पक्का नं मखु ।' अथेनं उकिं नं जीवनय छुं भाति महत्व तै ।' अलय कविजि, छि अज नं भौतिकवादी स्वपुकुनं प्याहाँ वय फःगु मरुनी । छु उमेर च्वय क्वय लापुं व्यवहारय् ब्योह जुपुं मरुला ? " द, अलय म्हवचाजक'- कविजिं खाँगवः लं जक चिच्याहाकः लिसः बियो क्वचाय्केगु दाउ पियो च्वन ।

सभां राधा हकनं लाहा थाडः दान । सभापतिं बुहाम्हा मनूता फेतुयता अलय राधाता नुवायगु बचं लाहासांक बिल । राधां कविता स्वयो धाल-भौगु समाज थौं नं सामन्ति व पुँजीवादी सिखलं चिडः तःगु फयनय मफुनी । उकीं ब्योहयायगु मापदण्ड उमरे तयो तःगु खः । १८ दा १९ दा हे ब्योह यायगु लिपालागु उमरे खःला ? राजी खुशी हे प्रजातन्त्रया मापदण्ड खः । राजीखुसीयां रूप, सीप भावना व उथिंगंगु मिलय जुगु बिचलं क्वः छिइगु खाँ खः । थव खाँ साधारण व्यवहारय् जक मखु, समाजया च्वय च्वयया स्तरय् नपां लागु जुयो वगु दः ।

राधा पलख दित अलय थःगु खाँ न्हयाकतुं धाल - 'कविजि छिं स्यूगु हे खाँ खः अंग्रेजी कवि शेक्सपियरया जहान व स्वयो प्यदा थाकालिम्हा खः । फ्रान्सेली साहित्यकार बाल्जाक २०-२५ दाया बैसय ४४ दाया मतिनामि (प्रेमिका) नपां जुला, अथेहे, ५० दा ६० दाया इलय मृत्यू शैय्यासं ब्योह यागु जुल । सर्वहारावर्गया दार्शनिक कार्लमार्क्सया जहान जेनी मार्क्स कार्ल मार्क्स स्वयो प्यदा थाकाली । अथेहे रूसया महान च्वमि गोर्कीया जहान येकाटेरिना पाब्लोन्ना गोर्की स्वयो हिदा क्वकाली म्हा खः । चीनया महान प्रजातन्त्रवादी व न्हपांम्हा राष्ट्रपति सनयातसेनया जहान सुइगु चिइगु लिइगु २५ दा-३० दा ति क्वकालिम्हा खः । माओत्सेतुइगुया कान्छीम्हा जहान च्याइगु चिइगु माओ स्वयो २० दा क्वकालिम्हा खः । अथेहे अर्जेन्टिनाया राष्ट्रपति पेरोन व

सच्छि व ण्हयगुगु स्वप पौ, बःच्छि पौ (पाक्षिक)

(श्रीमती) मयजु पेरोनपुं नं १५-२० दा पापुं खः । म्हवचा बैसय हे ब्योह जुयमः धाय्गु खॉ नं मखु । म्हवचा बैसय हे ब्योह याडः फुक्क ब्यावहारिक बोभ कुबियो मथां यमराजया खापा धिधि यो वानय्गु पक्का नं बुद्धिमान मखु । थुकाथं भीसं खाडा- ब्योह उमेर अलय शारीरिक रुपं जक स्वयगु मन्तयगु स्वापुता तस्कं छकुलांचाय् तयो क्वहयंगु मिखालं स्वयगु थें जुई । अजगु क्वहयंगु बिचलं भीता पुरा हे जडगली युगय् दूता यंकी ।'

राधां व खॉ पूरा हे जोशं अलय सास हे मफ्यूसें धःगु खः । उकिं वं पलख दिडः ताःताः हाक सास छक ल्हाडः हकनं खॉ छुत- 'क्षमा याडः दिसैं जि भावनाय बः वाड चवना । अलय जिं धात्थें खःगु खॉ नं ल्हाडः चवडा । धायो चवडा । कविजिं ई अलय वैसया पायें तयो तेषु जीवनया यचुपिचुगु जीवन व उकिया तब्यागु खॉ याता छखय् लिड्कगु व चिड्केगु गुगु कृतः याडः दिल । उकि दुनय फुक्क हे जिम्मेवारी चिड्कः छवयगु बानी जक क्यडः चवना । उकिं, बिसे वानिगु चरित्र ब्वलांकय् फः । भी ब्वनामिपुं थः ता तस्कं योम्हा कवि पाखं निराशा व बिसे वानय्गु संकेत मखु जीवन संघर्षयाडः हज्यायगु समाजय् थाकुगु जिम्मेवारीता बहादुरीपूर्वक कः धाय्गु व मन चवजायक थाकु नपां ल्वायगु काव्य व घ्वासाया आशा तयो चवडा । प्रतिज्ञा भंग याकय मबिड्गु अलय शान्तिखय गनां हे थाबवा क्वबवा मयायगु कविजिया भावना समाजया बच्छी स्वयो अपः जनसंख्याता गुप्त उदासिनता जक खः उकी तं व बदला काय्गु भावना बाँमलागु सुनासा वै । भीसं भीम्हा कविजि थुगु दोष मलाक जुगु स्वयंगु इच्छा दः अलय अपलं व यचुपिचुगु समाज दयकेता कविजिया योगदानया आशा याय । थुलि धाय धुंकराधां थःगु नेपा लाहातं ख्वालय भवपु वगु साँ थापियो फेतुत । उगु इलय सभाया देव पाखय : चवड च्वंम्हा मिसाचा

छम्हा दाडः न्हयसः तल- 'कविजि अथें खःसां छिं थः म्हा पासाता मनं मनं थुकलं बियो दियगुला ?'

कविजि ताःहाक सास ल्हाडः धाल - पासापुं चेतना दः तलय मन्तयसं घःयाता लुमांकय फैमखु अलय घः या स्याचा व न्हापा जूगु दुःखता मन्तयसं लुमांकः छ्वय धःसां मफैगु जुयो चवना । वया दुयंगु गुण बाहेक हाकुगु सुपायें थजगु वयागु ताः ताः हाकुगु साँ, ताल थजगु चञ्चल व सरल मिखात, स्वथें न्हयलः च्वनिगु वयागु म्हतुसिड्, अलय गुलाफ थें ह्योसे ह्योसे च्वंगु डतः किपालु थें हःनय हःनय वयो च्वं । स्पष्टवादिता, व चख्यंगु नुगः (फरासिलोपन) व्यावहारिकता अलय मदिकक ज्या साडः च्वनिगु सक्रियता थजगु वयागु गुणत गुल्लें लुमांकछ्वय फै मखु । छकलं हे कविया सः पात । फुक्कसिनं कविया घाँटी गान व काँथु सुत धायगु थुल । वया नुगः छ्वयो च्वंगु जुल ।

स्थिति थुड्कः सभाया नायो भाजुं ई लचं (घडी) स्वत । कविं फुक्क सिकय बिदा फवडः थःगु थासय् फेतु वान । सभाया नायो माड्कया हःनय दाडः न्वचु तल- साहित्यप्रेमी पासापुं जिता लगय जु छिकपिसं भीम्हा कविजीया काव्य थुड्केता मःक्वः मसलात लुड्कल ज्वी वा थःगु नुगलय लुयो वयो च्वंगु न्हयसः या लिसः न्यनय धुंकरा ज्वी । कविजी मौलिक रुपं नाड्म्हा जुई । वयागु नुगलय समाजया नाडी सानी । उकिता लाहातं थियो मखु मनं थुड्के मः । ई अपलं वानय धुंकरागुलिं थःगु अमूल्य ई बियो भायो द्युगुलिं कविजिता अलय ता ई तक ध्यानतयो शान्तिपूर्वक न्यडः द्युपुं सकल न्यनामिपिन्ता सुभाय देछासे भीगु प्रवचन गोष्ठी थानासं क्वचाय्के । सुभाय ।'

मन्त बुलुहुँ थः थः गु थासं दडः वानयता स्वत । सभापति व कविजि ग्वसाखलपुं नपां चुकया छखा छँ चिया त्वनयता वान । अलय मन्त खाली दबु पाखय स्वयो थः थः गु लाँपु लिडः वान ।

प्याहाँ वाडः च्वंगु हुलय मन्तयसं न्हयपनय न्हयपनय खाल्हाडः - 'च्वमि, कवि, कलाकार व राजनैतिक नेतातयता ब्योहयाकय् बिय मज्यु । अपुं सुख-सुविधाखय च्वनय लातकिं बांबांलागु साहित्य व कलात प्याहाँ वै मखु, अमि परिवार दतकिं अपुं नं स्वार्थी जुई । अलय अपुंनं साधारण मन्त थें प्रतिभामरूपं जुई ।' उगु बिचःता मेम्हासिं मखु धायो लिस, ब्यु ब्यु वान 'च्वमि, कवि, कलाकार व नेतातयता दुःख बियो अमिपाखं बांलागु फलया आशा यायगु धात्थें धायगु खःसा कतया दुःखं सुख सिड्पुं दास मालिक पिनिगु चरित्र बाहेक मेगु छुं मखु । दासमालिकतयसं फै, दुगु च्याखुरा, बट्टाई, ग्वंग, द्रहँसाँ ल्वाकः जक प्वा दानिमखु अभ च्यो च्योतय् दथुई कुस्ती ल्वाकः आनन्द काई । थव बांलागु बानी मखु । च्वमि, कवि, कलाकार व नेतात नं भी थें हे मन्तः, भी निःस्वार्थ मजुसैं अमिपाखं जक निःस्वार्थ जुड्गु माग गथे याय फै ?'

चुकय मन्त सालुयो वान । चुकय्या उत्तर व दक्षिण पाखय्या नेखेरं लुखातं मन्त प्याहाँ वाडः च्वन । मिसात उत्तरपाखय् प्याहाँ वाडः च्वन । अमिसं तः थें मतथें च्वंकः चिच्यासलं खॉ ल्हाल्हां नं वाडः च्वन । छम्हा बुहीम्हा मिसां प्रतिवाद यात - 'मखु कविं ब्योह यायहे मः । अः उमेर दः तलय जिउ बल्लातलययां छुं मखु । अलय ब्हाबुही जुयानिं छु यायगु ? मेपिसं सेवा यायता काथं मछिं थें जुई । उकीं ब्हाबुही जुयानिं छु यायगु ? मेपिसं सेवा यायता काथं मछिं थें जुई । उकीं ब्हाबुही जुड्बलय छम्हासिं मेम्हासिता सेवा यायया लागिं नं ब्योह याय मः ।' चुकय बुलुहुँ मन्त मदयो वान । बजारया लायें हुल खानय दत । अलय फुक्क मन्त गम्भिर खानय दः । फुक्कसिनं छुं विषयलय पीर कायो सोचय याडः च्वन । अलय फुक्क नुमवासैं सुंकः थः थः गु छँ पाखय वाडः च्वन ।

नेपाल मजदुर किसान पार्टी व

क्रान्तिकारी संसद्वाद

विवेक

कम्युनिष्टतयसं पुँजीवादी संसदता समाजवादी क्रान्तिया वातावरण दयकेया लागिं छ्यली । जनताता भिं मयासीं पुँजीपतिवर्ग हइगु विधेयक व अन्तरराष्ट्रिय सन्धी सम्भौताया विरोध याय्गु अलय जनताया समस्या संसदय् श्वयकेगु कम्युनिष्ट पार्टीया जनप्रतिनिधिपिनिगु कर्तव्य व जिम्मेवारी खः । अपुं पुँजीवादी सरकारय् वाडः शासक जुयगु मखु । कम्युनिष्ट पुँजीवादी सरकारय् वानय्गुया अर्थ पुँजीवादीवर्गया हःनय कपः क्वछुकय्गु खः । कम्युनिष्ट पार्टीया बिचः व सिद्धान्तता त्वःतय्गु खः ।

कम्युनिष्टतयसं जनताया सेवाया निंतिं निर्वाचनता छ्यली । प्रतिक्रियावादीतय्ता अःपुक त्याकय मबियता, अमिसं यागु मज्यगु व हाकुगु ज्या याता जनताया हःनय पा प्वलः क्यनय्गु व जनताता राजनैतिक रूपं (सचेत व संगठित) धवाथुइके बियो छप्पा छधि याय्गुया निंतिं हे निर्वाचनय् ब्वति काइगु खः । वैचारिक व सैद्धान्तिक रूपं कमजोरपुं मनूत संसदय् त्याकः बानः धःसा नं पुँजीवादया सुख सयलया सबः कायो आनासं चवनय् यो । गुलिं राजनैतिक कार्यकर्तात निर्वाचनया छ्यलय्गु इवलय वर्ग शत्रुनपां मिलय जू वाडः पार्टीता अपलं स्यंकः ब्यगु नेपःया कम्युनिस्ट आन्दोलनय यक्वसिनं मति तयो तःगु खौं खः ।

शान्तिपूर्ण अवस्थाय कम्युनिष्ट पार्टीत जनता नपां भ्यलय पुनयता नं प्रतिक्रियावादी निर्वाचनय ब्वति कायमः । निर्वाचन छुटय जुइगु वा बहिष्कार याय्गु अःपुसां उकीं राजनीतिक पार्टीता

जनतापाखं तापाक्क यंकी । कम्युनिस्टत न्हयाथाय् वांसां इमानदार जुयो जनताया सेवा याई । सुनं इमानदार जुयो जनताया सेवा याइ मखु व कम्युनिस्ट जुय फै मखु । थःगु जक व्यक्तिगत स्वार्थ मकसं क्रान्ति व जनताया सेवाया भावनां निर्वाचनता छ्यलिगु क्रान्तिकारी संसद्वाद खः । नेपाल मजदुर किसान पार्टी संसद्ता संघर्ष याय्गु थाय काथं छ्यल वगु दः । व हे क्रान्तिकारी संसद्वादया दसु खः । न्हपायाय्गु प्रतिनिधिसभा, प्रदेश सभा व संविधान सभाखय् थीथी नांया कम्युनिस्ट पार्टीत दःसां नं नेमकिपां जक क्रान्तिकारी संसद्वादी नीति काथं ज्या याडः वगु खः ।

नेमकिपां पञ्चायती निर्वाचनता छ्यलय्गु इवलय कर्ण प्रसाद ह्योजुता २०३८ सालय राष्ट्रिय पञ्चायतय् त्याकः छ्वता । व थः हे पञ्चत नपां मिलय जू वाना अलय पञ्चतय्गु महाजञ्जालय लाडः ज्यान पाय माला । जुम्लां त्याकम्हा डिर्ली बहादुर महत, भक्त बहादुर रोकाया, अलय दैलेखया विनोद शाहीपुं नेमकिपां पजेरो सुविधा मकायगु, पेन्सन सुविधा मकाय्गु नपां पुँजीवादी सरकारय् वानय्गु मखु धाय्गु खाँया अखः ज्या सांगुलिं हे पार्टी कार्बाही यागु खः । क्रान्तिकारी संसद्वादया नीतिकाथं ज्या सानय्गु तस्कं थाकुगु जक मखु जोखिमपूर्ण नं खः अथेनं क्रान्तिया निंतिं श्व मदयक मज्य न्हयाथिन्योगु थाकुगु इलय नं नेपाल मजदुर किसान पार्टी निर्वाचनय भाग कायो जनताया सेवा याडः वगु दः । मे मेगु कम्युनिस्ट पार्टीतय्सं नं नेमकिपाता 'संकीर्ण' (चिच्यामन) चिच्याक्वगु थासं

प्याहाँ वय मफूम्हा' 'सिद्धान्तवादी' थजगु थी थी द्रपंत मब्यगु मखु । न्हयाथिन्योगु द्रपं ब्यसां नं पार्टी नीतिपाखं भ्या भाति हे अखय-थखय् मसांसे नेमकिपा हज्याडः चवंगु दः ।

संसद्वादी पार्टी छु सः ?

संसदता हे थःगु आजु तातुडः ज्या याइगु संसद्वाद खः । संसदय बहुमत त्याकः समाजवाद निःस्वानय फै अलय सरकारय वाडः समाजवादी सिद्धान्तकाथं ज्या सानय फै धाय्गु मति व चिन्तन संशोधनवादी व संसद्वादी खः । नेपः या सन्दर्भय २०४६ साल लिपा उब्बेया माले (अः एमाले) पुँजीवादी सरकारय् वाना उगु इलय जन आन्दोलन अपलं हज्याय धुंकगुलिं पञ्चायतया खारेजी व बहुदलीय व्यवस्था ब्यसेलीं जनताया मनय तागत तांगू थें जुल । नेमकिपां कम्युनिष्टत सरकारय् मवांसं पुँजीवादया विरुद्धय मदिक संघर्षय हज्याम मःगु बिचः तःगु खः । सोभियत संघया सन १९१७ या फेब्रुअरी क्रान्तिनपां ज्वः लाक हज्याय मःगु उगु बिचःता माले, मार्क्सवादी, नेकपा (संयुक्त) पिसं ध्यान मतः । व फुक्क पार्टीत संसद्वादी पार्टीखय् हिलः वान ।

२०४६ साल निसं अःतक एमालेया नेतात माधव कुमार नेपाल, भुलनाथ खनाल व केपी ओली पुं श्व देशय् पटक-पटक प्रधानमन्त्री जुल । अमिसं कम्युनिष्ट पार्टीया बिचः व सिद्धान्तया म्वाकः तय मफूत, नेका स्वयो अपः लोकतान्त्रिक जुयागु खौं नं दाबी याय्ता नं अपुं लिपा मला । कम्युनिस्टया नां व धवार्यं (फण्डा) बाहेकं अः कम्युनिष्ट

सच्छि व न्हयगुगु स्वप पौ, बःछि पौ (पाक्षिक)

पार्टीया छुं नं लक्षण वा विशेषता ल्यं मत । उकिं हे एमालेता फुक्कसिनं भाइ कांग्रेसया नामं म्हासिइकः चवंगु दः । श्व वयागु सिद्धान्त व व्यवहार काथं पायछिगु नां नं खः ।

२०६२/६३ या आन्दोलन संसदीय राजनीतिखय वम्हा माओवादीत न्हःपां न्हःपां संसदय चवंपुं मेगु पार्टीतयूता संसद्वादी व थःजक क्रान्तिकारी जक दाबी याइगु । २०६५ सालय प्रचण्ड न्हयलुवाया सरकार निःस्वांसेलिं माओवादीपुं गालय क्वहँ वांगु खः । प्रचण्ड व बाबुराम श्व देशय पटक-पटक प्रधानमन्त्री जुल । अमिसं हिदातक यागु संशस्त्र संघर्षया भावनाकाथं जनताया भिं जुइगु ज्या याय मफूत । न्हयाथय याडः जूसां निर्वाचनय त्याकयूता पूँजीवादीतयूसं याइगु घच्यापुगु ज्या नं याता । कम्युनिष्टतयूता जनताया सेवक मानय याइपुं जनतां माओवादीता नेका, राप्रपा स्वयों छुं काथं हे पाःगु मखान, मतायकल । अलय अमिता बुलुहुँ जनतां विश्वास त्वः त हल । गुब्लें एमाले नपां सा गुब्लें कांग्रेस नपां मिलय जुयो निर्वाचन ल्वायगु थजगु अनैतिक ज्यात नपां अमिसं यात, याकल । अभ्र छगू पार्टीनपां गाथिचिडः निर्वाचनया लिचवः लिपा हे मेगुपार्टीनपां सरकार दय्केगु थजगु सिद्धान्तहीन ज्याखं माओवादीत बदनाम जुला । लिपा वयो माधव कुमार नेपालया न्हयलुवायया पार्टी एकीकृत समाजवादी नपां पार्टी छगूतू याडः पार्टी हे मदयक छ्वता । माओवादीया थाब्वा-क्वब्वा कम्युनिष्टत संसद्वादया दलदलय् (भेटय्) खय् तुडः थाहाँ वय थाकुइगु शिक्षा बियो चवंगु दः ।

निर्वाचनय त्या बु जुयोतू ट्वनि

संसद, प्रदेश व स्थानीय तहया

निर्वाचन त्याकयूता पूँजीवादी पार्टी तयूसं जः ग्वयो, मिखा पिइकः, न्हयागुहे काथंया जःजि ग्वयो ज्या सानी । अमिसं करोडौं तका फुक भवयँ नकी, ग्यास इडः बिई जागिर नकी, खःगुं मखुगुं फःगुं-मफूगु भूठा आश्वासनत बिई । कम्युनिष्टतयूगु बारे मखु-मखुगु प्रचार याडः जनतात थःदखय स्वकयूगु कुतः याई । शत्रुया व फुक्क ज्या इवः ता फायो हःनय वानयूगु ज्या इवः क्रान्तिकारी पिनिगु खः । अमिसं प्रजातन्त्र, मानव अधिकार व स्वतन्त्रता थजगु फवाकागु नारात बियो जनताता धवँलाडः त्याकयूगु कुतः याई अलय तःक हे अपुं निर्वाचनय त्याकगु नं दः ।

नकतिनिजक क्वः चःगु प्रतिनिधि सभाया निर्वाचन २०८२ खय् छवप क्षेत्र नं १ खय् नेमकिपा बुगु खँयाता कायो सञ्चार माध्यमं अनेकौं खँत बयबय याडः चवंगु दः । छवप क्षेत्र नं १ खय् छवप नगरपालिका व चाँगुनारायण नगरपालिका ला । २०७९ या स्थानीय निर्वाचनय् छवप नगरपालिकाय नगरप्रमुख, उप प्रमुख नपां फुक्क वडाय् नेमकिपा यायपुं हे त्याकगु खःसा चाँगु नारायण नगरपालिकाय नेका ४ गू वडा, एमाले २ गु राप्रपा २ गू व नेमकिपा छगू वडाय् त्याकगु खः । नेकां स्थानीय खय् १२ हजार, एमालें ११ हजार व राप्रपां ३ हजार स्वयो अपः मत कःगु खः । अलय नकतिनि क्वचःगु प्रतिनिधि सभासं निर्वाचनय नेकां ३२३४, एमालें २८०३, व राप्रपां १९५२ जक भोत काला ल्यं दक्व फुक्क मत घण्टी खय वान अथे धाय्गु १७, ३३८ मत चांगुपाखं जक काल । आनानं नेमकिपाता ३८८८ मत वगु खः । निर्वाचनय नेमकिपाता बुकयूता थुगुसी छवपया क्षेत्र नं १ खय् नेका, एमाले,

नेपाली कम्युनिष्ट पार्टी व राप्रपां थःगु पार्टीया अस्तित्व दाउखय तयो अघोषित गठबन्धन याता । गुकिं लिचवः रास्वपा पाखय वान । श्व मखुगु ज्या या लिचवः तदातक व पार्टीया नेतातयूसं मफूसें गाइमखु ।

छवप क्षेत्र नं. १ खय् नेमकिपा बुगुलि नेमकिपाया विरुद्ध नेका, एमाले नेपाली कम्युनिष्ट पार्टी, राप्रपात नपां अघोषित गठबन्धन न्हपांगु कारण खःसा अमेरिकी डलर न्हयाक तःगु अन्तरराष्ट्रिय रिपब्लिक संस्था (आर आर आई), प्रजातन्त्रया लागिं ग्वाहाली (एनईडी), बारबरा फाउण्डेशन, समता फाउण्डेशन, अमेरिकी युथ काउन्सिल थजगु आइ एन. जि ओ. तयूगु दे डांक लाकः तःगु लिचवः व कम्युनिष्ट पार्टीया विरुद्धय् खःगुं मखुगुं प्रचार-प्रसार नेगूगु कारण खः । नेमकिपां एमसीसीया विरुद्ध आन्दोलनया न्हयलुवा जुगु स्वंगूगु कारण जुयफः । जनताया असन्तोषत सम्बोधन याय मफुगु मे मेगु कचामचा कारणत जुयफः ।

श्व पाली ज्या साडः नैपुं ज्यापु ज्यामितयूगु सः संसदय् थयंकय् मफूसं नेमकिपां सडकं तचवयक सशक्त ढंड्गं श्वयकः च्वनि । नेमकिपां स्थानीय निकाय पाखं यागु शिक्षा, स्वास्थ्य, सम्पदा ल्यंकः, म्वाकः, भिकः तयूगु ज्या, सुचुकुचु थजगु ज्यात देशां देछिया नितिं ब्वस्यलागु जुयो चवंगु दः । श्व निर्वाचनं इमानदार, सिद्धान्तप्रति प्रतिबद्ध, भ्रष्टाचार मुक्त सुशासनया उदाहरण जुयो चवंगु नेमकिपाया नेता कार्यकर्तापिन्ता देया थी थी जिल्ला - जिल्लाय व गां गामय वाडः इमानदार जुयो जनताया सेवा यायूता अभ्र अपः सक्रिय जुयो ज्या सानय मःगु खँ ज्या मनय तयकगु दः ।

नेपाल भाषा जिगु मिरवाकुलि

(‘इ, उ.....’ निसु)

‘इ’ व ‘उ’ या खँय - भ्नीगु भाषा ह्रस्वमय खः । गुलिखे ताहाक्येक धायेगु आखः ग्वः श्व भाषाय् दुसां व पूर्वरूपनिसँ ताहाकःगु आखः ग्वः मखया चवनी । श्व प्रकृति ‘इ’ व ‘उ’ या जक मखु ‘अ’ व ‘आ’ या नं खः । अथे हे ‘य’ व ‘या’ हानं ‘व’ व ‘वा’ या नं खः अर्थात् फुकंया नं खः । गथे हनापा चवया थें ‘अ’ व ‘अ’ ‘आ’ व ‘आ’, ‘व’ व ‘वः’, ‘य’ व ‘यः’, ‘वा’ व ‘वाः’ अनंलि ‘या’ व ‘याः’ जुयाः चिहाकःया ताहाकः जुयावं थें ‘इ’ व ‘उ’ या नं चिहाः व ताहाः यानाः भ्नीसं न्ववाये माःगु दु । श्व नं गय् यानाः ताहाकः चिं तयाः च्वये धयागु न्हयसः या खँ जुया ब्युगु दु । जिं श्व खँयात वायेकु वायेकु लुइका चवना । न्हयसः जक लुइकां मगात । लिसः नं लुइके माःगु खँ चायेका चवना । सुयां मतिइ चवनी श्व अनावश्यक न्हयसः धकाः । जिं श्व न्हयसः न्हयःने ब्वयागुया खँ थुकिं हे खः कि मेमेगु फुक ताहाकःया चिं लिउने निफुति (:) तयाः जिइका चवनागु खःसा ‘इ’ व ‘उ’ या जक ‘ई’ व ‘ऊ’ अथवा ‘कि’ व ‘कु’ या ‘की’ व ‘कू’ याना चवनेगु छगू खःगु नियम धकाः गथे धाये, धाये हे मछिं । ह्रस्वमय भाषया निति श्व दीर्घ ‘ई’ ‘ऊ’ छ्यलाः भ्नीसं थःगु कमजोरी जक क्यने थें जुल । ‘किल’ या ‘की’, ‘धुल’ या ‘धू’ जुइगु त्वःता थःथःहमं हे ताहाक्येक पिलुइगु दःसा श्व ‘ई’ व ‘ऊ’ यात घयेपुइगु युक्ति संगत जुइ । थज्याःगु भ्नीगु भाषाय् मरु । अपवाद थें च्वंक गन गनं लुया वःसां वायेकु वायेकु मातुमतु माला स्वयेबलय पूर्व रूप्य ह्रस्व हे सिइ दइ । गथे ‘की’ ‘ची’ ‘म्वःल’ थपि नं थः थः म्हां दीर्घ मखु । छगू ‘भ्रिजि’ या ‘भ्नी’ मेगु चिकिया ‘ची’ व ‘ममाल’ या ‘म्वःल’ खः । उकिं थुकी नं क्वः छिइ ज्याछिन ‘इ’ या ताहाक ‘इ’ ‘उ’ धका । थय् यायेगुलिइ भ्नीत अपायसकं पकाः मदयेफु ताया चवना । हापा उलिमछि ज्यले । धुकूगु श्व खँ माःसां म्वःसां खइ धकाः सुनां धाःसा मेगु हे खँ जुल ।

तर खः, मेगु भाषां वयाच्वंगु शब्द गकि ‘प्रवीण’, ‘उन्मूलन’ थथे च्वये मालीबलय् धाःसा आःयात थथे पायच्छिगु कथं जुइ फइ मखुनि अर्थात् ‘प्रवीण’ ‘उन्मूलन’ हे च्वये मानि । अथे नं थन मछिंगु खँ बाकी द हे दनि कि थज्याःगुलिइ ‘स’ विभक्तिया रूप क्यने मालीबलय् गय् कि ‘जिन्दगीस, जिन्दगीलय्, जिन्दगीखय्’ च्वत्तले पाय्छि जुयाच्वंगु दु । तर ‘जिन्दगीइ, ‘जिन्दगीत’ च्वयेबलय व्याकरणाया हे निति जक मजुइ ला ? आः न्ववाना चवना थें च्वयेबलय ‘जिंदगी’ तुं मच्चसे मगाः । थुकिइ नं ‘यात’ त्वःतूगु ‘नं’ या विभक्ति व ‘स’ विभक्ति सिइमंत । प्रथमा व सप्तमी सीमन्त । छगू दनागुलिं जक ध्वाथुइके फयेके माल । उकिं लिपा वयाः

‘जिंदगी, नेपालि, यात शुद्ध मानय् याःवने माली तिनि धयागु खँय् जितः विश्वास वनाचवनं तिनि ।

‘थुकिस’ च्वयेबलय, ‘थुकिइ’ च्वयाः भ्नीगु न्ह्याःसु न्ह्याना - च्वंगु बांलागु खँ खः । तर ‘किल’ या ‘किः’ व ‘थुकिस’ या ‘थुकिइ’ श्व उच्चारणय् उर्थे च्वंसां थय् पाकाः च्वयेगु हे पाछि जू । ‘की’ ‘थुकी’ श्व नितानं मजिउगु रूप धकाः थःगु मंतुना खंका ।

श्व थें ‘भलि’ या ‘भउ’ थें दबुलिया ‘दबुउ’ ‘किल’ या ‘किः’ थें ‘धुल’ या ‘धुः’ नं याःसा गय् जुइ धकाः जि न्हयसः हे जक प्वंका चवना तिनि । छाय्धाःसा श्व ‘ल’ व ‘लि’ आखिर छगः तु आखःया इवल्य लाः थें च्वं । भ्नीगु नेपाल भाषा गुगुं सिथ भासं ‘धुलय’ धाये थें ‘दबुलय’ हे धया चवनं तिनि । भ्नीसं ‘केपुलि’ धायेबलय, नं ‘कीर्तिपुर’ लुमंका स्वयेबलय् नं हापां ‘र’ या ‘ल’ अनंलि तिनि ‘लि’ जूवंगु खइ धकाः तर्क याये छिं । थथे राजकुल - लाय्कुलिह ब्रह्मपुर - बलंपुलि आदि । उकिं दबुः दबुउ नितानं पाय्छि जूनि ।

‘धाय्’ या ‘धा’ व ‘धाः’, ‘गय’ या ‘ग’ व ‘गः’, ‘काल्य’ या ‘का’ व ‘काः’, ‘ब्वय’ या ‘ब्व’ व ‘ब्वः’ ‘ध्वाय्’ या ‘ध्वा’ व ‘ध्वाः’, ‘प्वलय’ या ‘ध्व’ व ‘प्वः’ आदिया निगुलि रूपया पूर्व रूप व हे तुं खः । थुकिइ छथाय् ‘व’ तना वन, छथाय् वया स्मारक ताहाकः - चिं (:) ल्यना चवन ।

‘चित्य’ या ‘च्यु’ व ‘च्युः’, ‘बिय’ या ‘ब्यु’ व ‘ब्यु’ आदि थासय् नं च्वय् धया थें थमि पूर्व रूप्य ‘व’ कार हे दु । थन श्व ‘व’ या ‘उ’ नि जुल । अले ‘इ’ व ‘उ’ या सन्धि जुयाः छथाय चिहाकः ‘यु’ जुल मेथाय् ताहाकः ‘युः’ जुल, अले ‘च्यु’ व ‘च्युः’ ‘ब्यु’ व ‘ब्युः’ कथंछि थुकथं रूप दःवन ।

‘कुल्य’ या ‘कु’ व ‘कुः’, ‘क्यु’ या ‘कु’ व ‘कुः’ थमिगु नं पूर्व रूपया ‘व’, ‘उ’ जुयाः लि छथाय् तना वन मेथाय् वया लुमतिया ताहाकः - चिं (:) दयावन ।

‘कने, चिने, चवने, कुने आदिया नं ‘कँ’ व ‘कं’ ‘च्युँ’ व ‘च्यु’ ‘चवँ’ व ‘चव’ ‘कु’ व ‘कु’ फुकं च्वय् थें हे खः । श्व ‘ने’ गं (गण) या क्रिया जूगुलिं वया प्रभावं हासं श्वये माःगु दु ।

१. पुरया पुरि रूप नं दनि

उकिं छथाय् अनुनासिक चिहाकः व छथाय् अनुनासिक ‘ताहाकः ँः’ व ‘ि’ अनुस्वार जुइगु थुकथं पानाच्वंगु दु ।

‘भपे’ या ‘भपि’ व ‘भप्युः’, ‘त्वःते’ या ‘त्वःति’ व ‘त्वःतुः’ (खवप्य् ‘त्वःतः’) अले ‘च्वके’ या ‘च्वकि’ व ‘च्वकुः’ (खवप भासय्

सच्छि व ण्हयगुगु स्वप पौ, बःछि पौ (पाक्षिक)

‘च्वकः’) थुकथं पाना वना च्वंगु दु ।

‘धायिव’ ‘च्वयिव’ या थौयागु रूप ‘धाई’ व ‘च्वई’ खः । खला ‘व’ तनावंगु प्रभावं श्व ‘इ’ ग्वः ‘इ’ जुयाः ताहाये माःगु खः । अयसां ‘धा’ व ‘च्व’ ग्वलं साला काये धुंकूगुलि चिकिहाकःयात हे हने माःगु जुल । उकिं ‘धाइ’, ‘च्वइ’ हे परिष्कृतगु रूप खः वये धुंकल । तर श्व येँ मेथाय् याना च्वने बांमलात अर्थात ‘खनि’ धायेगु स्वया । ‘खनिः’ ‘हालि’ स्वयाः ‘हालिः’ यात हे छ्यले बहःगु रूप थें ताया च्वना । छाय्धाःसा श्वया नं पूर्व रूप्य् ‘व’ तना वना च्वंगु दु । च्वय्या आखलं धाइ, च्वइ, कथं साला नं मकाः । अनलि उजं पद त्वःताः ‘याकि’ ‘भपि’, ‘त्वःति’, मच्वसे ताहाकः हे च्वया च्वना, सनं ‘याकिः, भपिः, त्वःतिः’ हे खः ।

हासं श्वयेक ताहाकः धायेगुया खँय् भीसं च्वसा- भाषाय् वया अनुनासिकया ताहाः यायेमाःथाय् जक अनुस्वार याना च्वनागु दु । श्व जितः गय् थें गय् थें च्वं । थयजक यानां मगाः थें च्वं ॥ अथेनं यदेश्य् थुलि खं हे त्याजियाच्वंगु खःसा जि धायेमफु । नत्रसा अनुनासिकया दीर्घ (ः) व अनुस्वार () या उच्चारण व प्रयोग नं फरक दु । श्व खँ खँपुइ हँहँ ब्वयाच्वना

१. किसिया स्वँ तः पु । किसिया स्वं यक्व फय् दुकायेफइ
२. हापाया भ्वंः बांगलाःसां बल्ला । हैजांभ्वं- भ्वं मनूत सिइयः ।
३. भ्याराक्क दयाः सिँइ न्याःवन । कपालय् सि न्यात । (विसर्ग चिं थन म्वाः)
४. श्व छ्यें छु धया दियागु छि ?
५. श्व पुलांगु (तुः) तुँ खः । च्वकातु सेखंचायेयः ।
६. पाँः चहेया नखः न्ह्याइपु । पां पालाः तुतिइ घाः जुल ।
७. चीमितय् पाँः नं धलिं जू । कलम छपु सफूपं हानाच्वन ।
८. गुलाफ स्वांमाय् कँः नं दया च्वन । केहे नं दयेकूगु कंघासा साः ।
९. अँः - ति तसकं चाकुसे च्वं । म्हिगः अंति छगः न्याना हया । ख्वप भाषाय्
१०. छ वाँ (वना) च्वँ । वां हि वलाक ।
११. खाँः (खा) बाक्वतं (बाकुति) तायेयः । जिम्हा (जिमि) खांख्यँय् छ्वल ।

‘ः’ श्व ताहाकः -चिं दुगु अनुनासिकया उच्चारण छु आखः न्ववाना च्वना वयात ताहायेका छ्वयेवं गाः । ‘अनुस्वारया उच्चारण हापा स्वयाः लिपा कयुकुना वनी अथवा चिकिप्वाः जुया वनी । थुकथं ‘ ’ व “”श्व आखः न्वचुइ नं पात अर्थय् नं पात । अनलि च्वयेबलय् नं पाक्क च्वये छिन । अथे हे भाय् खँया कथं व पहः लुमंका स्वयेबलय् ‘अ’ या दीर्घ ‘अ’ खःसा ‘अँ’ या दीर्घ ‘अँ’ छाय मखइ ? ‘आ’ या दीर्घ ‘आः’ खःसा ‘आँ’ छाय मखइ ? अथे हे ‘इ’

या दीर्घ ‘इ’ खःसा ‘इँ’ या दीर्घ ‘इँ’ छाय मजुइ ? अथे हे ‘उ’ या दीर्घ ‘उः’ खःसा ‘उँ’ या दीर्घ ‘उँः’ हे पाय्छि जू । ‘ड, ञ, ण, न, म थिपिं बाआखः तना वनाःलि अमिगु स्मारक उच्चारण जुयाः न्ह्यमा- आखः या गुहालि जकं ” अनुस्वार आखः या रूप्य् ब्यक्त जूवःगु खः ‘अं, आं, इं, उं, इत्यादि । अयनं श्वयात मा- आखःया इवल्य् तये यंका तःगु दु ।

विसर्ग नं मा - आखःया लिधँसा जुयाः अनलि वया हे संगतं मा- आखः या ख्वाः ब्वयाः हे न्ह्यलू वया च्वंगु दु । वास्तवय् श्व नं फुकं मा - आखः मखु । ‘स’ व ‘र’ आदिया लुमतिइ न्वचुइ च्वंवइगु श्व विसर्ग न्ह्यमा- आखः या गुहालि पिज्वः वइ ‘अः आः’ इत्यादि । श्वया उच्चारण ‘ह’ थें च्वंक ध्वंस जुयाः पिलुइ । उकिं थुथाय् वयाः भीगु कमजोरी दु कि भीत ‘अ’ ‘आ’ कथंया ताहाकः च्वयेत आखः अथवा श्वया चि मदयाः विसर्ग-चि (ः) गुगु मेथासं त्यासा काय् व्यवहारय् छ्यलाच्वना । काय् मरुम्हाया कक्या मचा थ्याकामचा काये थें जक श्व जुया ब्यगु दु । छखें बौ व काय्या ख्वाः पालं मिलय् मजुसा थुखे विसर्ग व ताहाकः न्वचु मिलय् मजू । उकि हे मखा जुइ ‘सितु’ पत्रिकां विसर्ग मतयेगु कुतः याःगु ।

आखिर भीत ताहाकः चिं ला मदयेक हे मगाः । ‘पा’ व ‘पा’ या अर्थ पात, ‘गा’ व ‘गाः’ या मतलब नं बिस्कं हे दया बिल धायेबलय् भीसं ‘सितु’ पत्रिकां थें ब्वनीपिसं अथें थुइका यनेमाः अथवा यंकेफु धयागु मंतुना ज्वनाः ताहाकः चिं हे म्वायेका च्वनेगु नं पाय्छिगु खँ थन जुउ मवः । गुबलय् तक सल्लासाहुति क्वः जिइगु ताहाकः-चि भीगु भाय्या नितिं पाय्छिगु लुया मवई उबलय् तकयात नि श्व लिनिफुति (विसर्ग) यात घयपुना हे च्वनेमाः । बरू भीसं आःयात चि श्व हे काःसां नायात हुया छ्वये विसर्ग मधया छ्वये । लिनिफुति धायेगुलिइ नं दोष दु । जब नेवाः आखलं च्वये मालीबलय् ‘द’ थय् मायात नीकाः च्वये माली अले लिनिफुति नं श्वयात धायेगु पाछि जू मवल । उकिं जि स्वये ताहाकः चि धायेगु हे पाछि खना ।

नेपालाक्षरया खँय् -- भी थःगु हे लिपि दु । नेपालाक्षर, भीगु आखः कथंकथंया आखः विस्तृत वया चाकः । श्व खँ ला भीत माकुसे च्वं जू । थुलिंचाय् भी लुदने स्वयाः आय्बुइ जक माःगु दु । गुकियात व्यवहारय् ह्ये भीसं मफुनि । श्व उकिं नं खइ, नत्र नेपाल भाषा (वर्तमान नेपाल भाषा) यात पाय्छि जुइक श्व आखः मजू ।

भी विसर्गया (‘ह’) थें च्वंक ध्वंसः वयेक जुइगु व अथे हे मेमेगु आखः गुलि दु अमिगु उच्चारण मरु नेपालाक्षरय् दु । ‘आय्’, ‘अय्’ भीत माः । श्व छगलं च्वयेत छिसा जिउ । भीत थुकी माःगु आखः मरु, म्वाःगु आखः दु । श्वयात छ्यले मफुगुया कारण मध्येय् छगू श्व नं खः ।

न्हय्मह तःक्यहँयागु बारवं

छगू देशे ज्यापु छम्हसिया न्हय्मह म्हाय् मचात दय धुंकुमह कला सित । अले वं मेम्ह कला हल । ला बला दसेलि कान्छिम्ह कलाः न्हेसिया न्हयसुम्हाय्पि साप हे मयल । वं चानं न्हिनं भात म्हेसित न्हायसुम्हाय् पिनिगु जक चुक्लि याइगु जुल । कलाः यागु खँ न्यना वौम्हेसिया नं मचात स्वय् हे मयया वल । अले छन्हु चिरिमांम्हं साप हे चुक्लि यात । जुजुं जुजुं चिरिमां यागु जालं बौम्हं इमित वाय यंके धका मती तल । छन्हु बहनी म्हाय्पिन्त सःता बौम्हास्यां अय् मचात, भीपि प्याखं स्वः वने न्हायाला ? धाल मचातय सं छु स्यु । 'न्हयाः न्हयाः जि नं वय जि नं वय' धका खूब लहरयात । बौम्हस्यां 'नु, नु !' धका न्हय् म्हं तता केहेपित ब्वना यंकल । ववं ववं इपिं छगू जंगलय् थ्यन । अन फलचा छगुली चवन । बहनी जुइब बौम्हेस्यां "ए मस्त का सकलें थन छं, जिः नं छने कन्हे न्हापानं दना प्याखंस्वः वने" धकाफुक्क मचातयतः थ्यन । पलख जायका मचात सकस्यां न्हयः वयकल । अले बौम्हस्यां "आ अथे त्वःता वन धायव लँ सीकाथुपि छँ ल्यहाँ वइ छु याना त्वःता थके" धका विचा याना चवन । विचा यायां वं इमित

मिखा कने मजीका थके माल धका फुक्क मचातयगु मिखाय भौलिं तिका बौम्ह ल्यहाँ वल । अले चिरिमांम्हस्यां आः तिनि याउँलका' धका आनन्द याना चवन । अन जङ्गले फलचाय छना च्वंपिं मचातय् न्हयलं चाल । अयसां इमि मिखा कने मज्यु" 'य

तता जि मिखा कने मज्यु' धका छम्ह हाल । मेम्हा नं जि नं मिखा कने मज्यु गथे धका हाल । अथे हाहां न्हयलं चाल । सुयां हे मिखा कने मज्युगु इमिसं सिल । "यो अबु, यो अबु" धका सतल । अबु "हँ" मधा । अले इमिसं "का भीत प्याखँ स्वेगु धका तोहःतया अबुं वाय् हःगु" धका सीका मचात साप हे खवल । थुगु प्रकारं बान्हितक खवखवं आखिरे मचातय् नय


खवखवं जङ्गलं जङ्गलं लः मावन । जङ्गलया बिचे हिति छधालं इवाललल लः हाया चवंगु ताय् दया वल । वहे शब्द न्यना हिति धा थुइका लः फया काल । व गोंप होगंगु जुया चवन । इमिसं तःलय होगंगु गोंप धका मस्यु । गवाय्त तक लः फयां छति मजा धका हाः वल । कोः हाला चवंगु इमिसं ताल । व कोः हाःगुलिं जकः लः मजालला धका पचि पचि यायां "स्यु

स्यु" धाधां कोः छ्याना जुल । अले आखिरे तिनि इमिसं गोपचा होगंगु खःला धका थिया स्वया गोंप होगंगु धका सिइकल । अले "धिकार ! धिकार !" धाधां गोंप वांछवया इपिं हिति थाहाँवन । अले सकलें अनतंचवना "आः भीसं मिखां मखंकं न त्वने दै मखुत न्हात्थे याना नं मिखांनी खने दय्के मालधका बिचा याना थः थःगु ई मिखाय् तया प्याका माहाँबु- इका भति भतियायां मिखां खने दयकल । अले छम्हास्यां धाल "य तंता, य तता, जिला भति भति खने दयावल" । हानं मेम्हासिनं "य तता, जि नं खने दयावल" धाल । थुगु हे प्रकारं फुक्कसियां कोसिश यायां बांलाक हे खनेदयकल । अले इमिसं "भीत ब्वां मिखां खने मदयका थन वाना थकेत हे भौलिं मिखा प्वाः

पित्यात, लःनं त्वने प्याः चाल । मिखां धासा खने दुगु मखु । पचि पचि यायां इमिसं व फलचाय लः थल दैला धका माः जुल । छथाय् कुनय् लाक्क तताम्हेसिनं चायागु गोंप छगः थुइकल । व हे ज्वना "आ लः गन कावने" धका हानं फुक मचात

बन्दयाना थकूगु खनी" धका निश्चय यात । आ थथे चवनां छु याय् नय् गु नसानी माः वने नु धका सकलें वन ।

ववं ववं छथाय् जङ्गले इमिसं विशालगु दरवार छगू खन । छँ खनेवं "अन हे बना फवना नयेका" धका मती



सच्छि व ण्हयगुगु स्वप पौ, बःछि पौ (पाक्षिक)

तया व छँ स्वः वन । अन थयसँलि इमिसं व छँ बिलकुल सुनसान जुया हासः हीसः मद्गु व खापा, लुखा नं फुक्क हे चाला चवंगु खन । इमिसं अन तलय् थाहां वना कोठा कोठा पतिकं थाय् थासय् द्वाहां पिहां जुया स्वः जुल । अन छँ लुँयागु स्वाहाने व सिंयागु स्वाहाने इत्यादि फुक्क हे दुगु जुया चवन । व खना इपिं फुक्क गजब जुया स्वाहानें थाहां जुया स्वत । हाकनं कोठा पतिकं नं दुने वना स्वःजूबले गुलिं कोठाय हिरामोति गुलिं कोठा लुँचुं इत्यादि आप म् वंगु धन सम्पत्ति खन । आखिरे छगू अत्यन्त बांलागु जङ्गले हिरामोति जडय् याना तःगु कोठाय छम्हा तःधिकःम्हा माकः मस्त जुइक द्यना चवंगु इमिसं खन । हकनं वहे माकःया न्ह्योने तःपागु थाय् भुई दंक धौबजि वाला तयातःगु खन । इमिसं पित्यागु भौकय खूब हर्ष जुइका न्हेम्हा तहकें हे नं वना धमाधम वहे धौबजि नल । अले धौबजि ब्याक्क नय धुंका छप्येचा बाकि दनिबले नल धका माकलं सिइकी धका झ्यालं नःगु धाय्क्यत झ्याले छप्ये धौबजि तिका वन । माकःया न्हयलं चायका धौबजि नय् धका स्वःबले धौबजि छतिं हे मखना “जिगु धौबजि सुनां नल ?” धका चाचाःहिला स्वः जूबले झ्याले छप्ये तिकातःगु खना “श्वहे झ्याचां नल ज्वी” धका झ्यायात खूब सास्ति याना स्यंकाबिल ।

कन्हेखुन्हु नं व माकः चिया अथे हे धौबजि वाला ठीक याना द्यना चवंबले वहे तहकेंपिं वया न्हापायें हे न्हेम्हासियां इना नये धुंका इमिसं धौबजि थामय् किका थकल । माकः चिया मालं न्हालं चाःबले हानं धौबजि बेपत्ता जुया चवं खना मुरमुरे जुल । सुनां नल धका माः माः जूबले थामय् धौबजि किना चवंगु खना हाकनं वं थांयात धुमधामं तं दिका पाल । अथेहे वया कन्हेखुन्हु नं न्हापा लिपाथें याना धौबजि नय् धका स्वःबले मदया माः माः जुया

स्वःबले तुफी किना चवंगु खन । तुफियात नं म्वेमेव्हे हिका नचुकु स्यंकल । “आला तःकोमलि जुल थौला मनसें त्वःते मखु व कावं यक्क दय्क धौबजि वाला दयना हानं अथेहे तहकेंहेपिं वया फुक्कं नया गनकिके गनकिके जुया व माकः यागु हे न्हिपने किका थकल । माकःया न्हयलं चाय्का स्वावले बजि मद्गुलिं बाकुछिना चाःचा हु हं माला स्वःबले थःगुहे न्हिप्येने किना चवंगु खन । ए, श्वहे न्हिप्येने जिगु धौबजि नया जूगु खनी” धका सापहे क्रोध मूर्ति जुया न्हिप्यंयात बाकि तय् मखु चिकने पुकेगु धका तंम्वेका वं तःगोगु खासी चिकं ग्वारा ग्वारा दायका उकी थःगु न्हिप्यं तीजक थुन । थःथमंतुं छको छको । “आपू ! आपू !” धाल । हाकनं “नय् बलेजा माकु, नय् बले जा माकु, धका लिसः बिइगु यात । अथे हाहां थःगु न्हिप्यं तुप्लुक्क तुप्लुक्क चिकने थुना चवंबले व न्हय्म्हा तहकें हेपिं अकस्मात वल । इमिसं व माकःयात ध्वाना ग्वारा ग्वारा दायका चवंगु चिकने कोपवात । व माकः चिकनं पुना सिनावन ।

व मात्रः सिनावसँ ल व तः खागु दरवार छगुलिं वहे न्हयम्हा तहके पिनिगु जुल । इमि नय् त्वने व तीगु धन्दा मन्त । इपिं अत्यन्त धनादय जुल । उलि याय् धुनेव इमिसं ‘आः भौत वाना थकुम्हा बौ जूसां बौ धैम्हा बौ हे खः सतके व्छे म लः’ धका सल्लाह याना सतके व्छत । बौम्हास्यां नं आः म्हायांयपिं तःमि जुल धका खबर सिया लय् लय्तावां वल । छँ क्बे थयनेवं ‘ए मै ! ए मै !, धका सता बल । म्हायायपिसं बौम्हा वःगु सिइवं ‘यो अबु ! यो अबु ! छ लुँयागु लुखां द्वाहां बय् लाकि, वहःयागुलिं वय लाकि, सिंयागुलिं वय् ?, धया न्यन । बौम्हा दंग जुया जिला ‘लुँयागु, लुखां द्रहँवय’ धकाधाल अथेहे इमिसँ । लुँयागु वहःयागु ब सिंयागु स्वाँहाने मध्ये गुगुलिं वय ?, धका न्यंबले लुँ यागु स्वाहाने हे थकाल । तले थयनेवं

इमिसं बौम्हेसित धुमधामं सत्कार याना चयेप्यता लोसा तया भोजन याकल । उलि जक मखु इमिसं बौम्हेसित ज्वनेफक्को धन सम्पत्ति समेत ज्वंका व्छत । हानं इमिसं चिरिमांहमयात नँ व्छयाहिं धका बिदावारी याना छत ।

कन्हेखुन्हु चिरिमांह नं खूब दंग जुयां न्हयसुम्हयाय पिंथाय् वने धका वन । चिरिमांह बःगु खबर न्यना इमिसं न्हापा बौम्हेसित न्यंथेंतुं न्यना चिरिमांह धाःगु स्वाहाने थकाल । हाकनं न्हापार्थे हे चयेप्यता घासा ज्वरे याना नका खुसि यात । अले कुने चवना न्हयम्ह म्हायायपिसं भौत थपायचो धोका नका पित छोयाःम्ह चिरिमांयात स्याय्माल ज्यूला धका सल्लाह यात । इमिसं अन जङ्गले चवंपिं विषालु न्याय् यःपिं धाक्को सर्प, गौमन इम् विछे, न्हय्बि इत्यादि बःचागोगु कसि छगले मुंका उकी चाकुमरिया कसिथें चवंक नेपालि भौतं भुना चिरिमांयात बिया ‘का श्व छगू यंकि, हनिचा’ द्यनेवले क्यँप्वा हे दको तिना याकःचा जक द्यने थायचवना श्व कसी ल्हातंतुं होखना थुकी चवंगु लिक्का न । छ हृष्ट पुष्ट ज्वीक ल्होनी धका वियाव्छल । चिरिसांम्हेस्यां तंन्हयसुम्हयाय पिसं धागु खै धका बहनी द्यंगु बखतय् याकःचा जक छगू कोठाय क्वें प्वाः होप्वाः दक्को तिना कसि नापं तया कसि होखन । वं होजक छु खन उकी चवंपिं विषालु व्याक प्यहां वया वैत न्यान्यां स्याना हे बिल । कन्हे खुनु भातम्हेस्यां कलाम्हा उजं दना मवया छु जुल थें धक्का खापां छ्याना द्वाहां वना स्वोबले कलाम्हा एकदम तःग्वारा जुइक मनाः सिना चवंगु खन । छिमि चिरिमां मन्तधका म्हाय्पित खबर छोट व खबर सिसेलिं म्हाय्पिसकले अन वया वैगु काज क्रिया याना बौयात इमिगु हे दरबारे यंका सुखं दिन व्यतित याके यंकल ।

उलिचिया वाखं थुलिं

धुंया खने मद्रुगु लुसि व न्हूदँ

पूर्ण वैद्य



छगू अर्थय्
 धुंया वां पिहां वःगु हि खः
 श्व न्हूदँ ! न्हूदँया पलाः ख्वाँय् !
 धुँ ला खः
 थन धुं पुस्तां पुस्तां
 यक्वसिया छ्यं न्हयःगु दु
 भवयभवयकंगु मिखा नःगु दु
 गुगु मिखाय् लुइ हे मलाकं गुलिं सुथ सिइगु दु
 अन जिन्दगीया ख्यः छगुलिं कां - खिउँगु दु
 वया वां देय् छगुलिं नीलडाम प्रमाणित जूगु दु -
 देश देशान्तर !
 धुँ हे मखा वयाके दया विवेक चफुनाः
 सुवाःय् छु लगय् जु ?
 वया तःता पहःया तःपु धँवा दु
 भी नाप नाप वया
 भीत चुप्पा नः थें यानाः
 हि त्वनीगु -
 वया चामातुगु तःपु लुसि दु
 नायूगु भुवादार पञ्जा दुने खने हे मदयेक सुलाचवंगु
 घय्घयपुपुं घाः घाः याइगु -
 तर, थौं छाःपिं मन्तय्गु क्वँय् न्हयन्हयं
 वया न्हययेगु धँवा हे त्वः धूगु दु
 वं नयाः पचय् यायेत स्वःगु अनन्त सुथ छधी जुयाः
 वया श्वःगु वा हवतं श्व न्हूदँ पिहाँ वःगु दु

गुकी छगू न्हगु युगया च्वः दु स्वामाः हने फइगु
 बांलाक छ्यनाः लुइकूसा -
 अनेक लँ थवं थवय् स्वतुमतु स्वस्वं
 जिन्दगी गथि गथि जुयाः स्वःतिपाँय् जुया वनाचवंगु
 श्व हे देय् तना वनाचवंगु देसय् -
 छाडा धुँतय्सं चां न्हिं आतंकित श्व शहरय्
 मुख्यतः धुँतय् वा त्वधुलिगु -
 व पिढी दरपिढी
 अनेक भयातुर कष्टकर जीवनया छगू मुक्ति खः ।
 निरंकुश धुँ अंकुरय् कुनिगु-
 व अनेकं जीवन - स्वतन्त्रताया छगू ग्यारेण्टी खः
 तर, धुँ-कासाय् चागः चातय्सं छचाख्यरं ल्हाःपाः मस्वाक
 छगः चागःचां जक गबलें धुँ मकं
 धुँखय् धुँ वा चाया नं
 धुँनाप खासखुस याइपिं नाप
 होशियार !
 धुँया नियत नँ तायाः नं
 धुँयात भचा छ्वासुकाः फ्यना बिइमाः धाइपिं नाप
 होशियार !
 निःस्वार्थ बलिदानया मू थःगु स्वार्थ
 अवमूल्यन याइपिं नाप
 होशियार !
 शहीदया क्वाःगु हिं च्यानाचवंगु खः
 थौया श्व पाश्चात -
 श्व पूगु चेतना नं थःगु लखय् फवयाः नयेत स्वइपिं
 लाखय्त दना वयाचवन छगू छगू ख्वाः पालं
 संघर्षया मिइ छुनाहःगु श्व न्हूदँ
 हानं धुँ थःगु जन्मन्हि भाःपाः
 दक्व पाल्चा-मत स्यानाः
 न्हूदँ तानाः कुचा कुचा यानाः थः मन !
 श्व बलिदान हिं न्हूगु
 देशया बरदान जुइफुगु न्हूदँ !
 न्हू युग हयेफुगु न्हूदँ !
 (भित्तुना २:११११:३०)

थःगु जक इच्छा पुवानिगु जूसा न्ह्याम्हा न्ह्याथय जूसां ज्यू

कुशल

वडाय लॉ तः ब्याकयगु ज्या जुयो च्वंगु, जि दश्वी च्वडः समन्वयकारी भूमिका म्हेतः च्वडागु, लॉ नेगू वडाया सिमाचिं खय लागुलिं मेगु वडाया वडाध्यक्ष जु नं समन्वयकारी जुयो दयूम्हा खः । नेपःया सरकार व नगरपालिकाया मापदण्ड काथं लॉ तः व्याकयूता प्रदेश सरकारता योजना काथं नगरपालिकापाखं थःगु वडाया लागाय लागुलिं नेगू वडाया वडाध्यक्षपुं ठेकेदारता स्थानीय जनतां अलमल यातकीं फिल्डय वाडः मःगु गवाहाली याय मःगुलिं न्हिया न्हिथं धाय्थें जि फिल्डय वाडः च्वनयगु ।

छ न हू
मापदण्डया
विवाद जू

थाय् स्वः वाडाबलय् छखय लॉपाखय् गोबिन्द सुवाल (छुडागु नां) मेदखय् लॉपाखय् हरिकृष्ण माक (छुडागु नां) यायपिसं नक्सा पास याडः, छम्हासिं सात मिटर त्वःत मेम्हासिनं सातमिटर व पैसाठी सेन्टिमिटर त्वःत दाडः तःगु भ्वँतय् स्वया बलय् ठिक्क हे जू अलय् ठेकेदार नक्साखय मगाधःगुलि जि आना हे वाडः स्व वाडा ।

आना वाडः स्वः वाडा बलय नेखयपाखय्या छँ थुवः तः तः सलं हाल

च्वंगुलिं जिं गोबिन्द जि कय न्यडा बलय वयकलं नगरपालिकाया मापदण्ड काथं रिटेलिङ्ग वाल दयकसां, भाति भाति त्वःतय मःसां त्व तय छिकपिसं धःथें याय् । जिं मापदण्ड काथं सातमिटर त्वःतः नक्सा पास याडः दाडागु खॉ कांगु पायछि थें च्वंगुलिं मेम्हा हरिकृष्ण जि कय न्यडा बलय वयकलं जिं नक्सा पास याडा बलय सात मिटर पैसाठी सेन्टिमिटर त्वःत दाडागुलिं उलि त्वःतः वाल दाडः लॉ तः ब्याक यंकी । जि नं

चौधमिटर २० से. मि. जक दःगु खॉ काडा बलय नेम्हासिं मापदण्ड काथं त्वःतय धुंगुलिं अः त्व मतयगु जिदी यात ।

जिं नेम्हासितां मिलय जुयो भाति भाति जग्गा त्वःति धाया बलय् नेम्हा मानयमजु । हरिकृष्णया जहानयां भन तः तः सलं थाना वाल दांसां छु मदांसां छु । जिमिगु जग्गा व शत्रुता त्वः तः बिइला ? जिमिता विकास व लॉ तब्या चिच्याब्या नपां मतलब मरु धायो हाल ।

हरिकृष्णं १० इन्च जग्गा त्वः तय धःसां वयकया जहान मानय हे मजु । नेम्हातिपु जग्गा त्वः तयगु खायँ ल्वापु जुल । जिं छिकपुं नेम्हासिया सहमती मदयक १ इन्च हे जग्गा काय मखु

विकास विरोधी मखु गवाहाली हे याय् धःगु खॉ नं बांलागु हे खः ।

वनलिं जिं वडाया प्राविधिक व गवाहालिमि छम्हा ज्वडः वाडः जिहे टेप ज्वडः दाडा । नेम्हासियायगु नक्सा नं स्वया । नेम्हासिं नक्सा पास याडः हे छँ दांगु खः । नेम्हासियां पास जूगु नक्सा काथं लॉ चौधमिटर पैसाठी सेन्टिमिटर दयमः गु अलय फिल्डय मरु । जिंनेम्हा सितां सः तः लायँ दाडः स्वयाबलय

ल्वायमते धायालिं नेम्हासियां म्हुतुप्व तित ।

वनलीं जिं गोबिन्द जी ता छिं नं ३० इन्चती जागा त्वःति धायाबलय वयकलं छलांगु हे त्वतय मखु धःसेलीं जिं मेम्हा वडाध्यक्ष जू याता धाया । वयकलं नं मिलय यायूता स्वयो च्वंगु जुयो च्वना । वयकलं मगागु जग्गा नेम्हासियां गुलि भागयला उलि लाक दयकेगु मेगु उपाय हःनय हल । उकि जिगु नं चित्त बुझय जुल । अलय् वयक पाखें नेम्हासितां प्रस्ताव

सच्छि व न्हयगुगु स्वप पौ बः छि पौ (पाक्षिक)

तयके बिया । व न्यडः नेम्हां भं हे तंपिकाल । हरिकृष्ण जि नक्सा पास जुय धुंगु व मिसाम्हा मानय मजगुलिं त्वःतय मफैगु व गोविन्दजिं छलांगु हे त्वःतय मखु धायो दिल ।

लायँ अपलं मनूत मुन । गाडी जाम जुय धुंकल । मनूत छु खायँ ल्वापु जुल दक स्वः वल । खाँ न्यडाबलय मिलय जुइथें मचवडः वडाय ल्याहाँ वया । इलचं (घडीं) स्वयाबलय नकतिनि ९:०० ता इलय तिनि जुयो चवना । उकीं सेवाग्राहीत नं मवनि । जि थः गु मेचय फेतुड व समस्या गथे ज्यंकय फै धायो बिचः याडः चवडा । मनय अनेक बिचः त बवडः चाय ना :बुयो वथें वयो चवन । गज-गजपुं मनूत नं दैगु जुयो चवना धायथें चवन । सरकारं भीगु थासय विकास यायता धायो तयो ब्यगु बजेट छ्यलयता हे मः काथं वाततावरण दयक मबिइपुं जनता नं दःगु जुयो चवना । मनूया स्वार्थ नितान्त थः जक जिइकेगु जुयो चवना । थःगु जक स्वार्थ पूवानिगु जूसा वाता त्वः - ब, दे, समाज न्हयाथय थजु छुं हे मतलब मदैगु जुयो चवना । सामाजिक

ल्याखं स्वयमः धायगु मति भ्या भाति हे मदैगु जुयो चवना । गजगु संस्कार मनूया कानुनी ढंगं थः भातिचा देनय लाथें चवंबलय नगरपालिका, वडाकार्यालय अलय वडाध्यक्षपुं नं मालिगु जुयो चवना । छुं हे मखुथें याइगु जुयो चवना । मापदण्ड काथं याडागु धायगु मतिं थः त्याकः चवडापुं धायगु मतिं नेम्हासिं हे तयो तःगु जुयो चवना । उकिता मदयकेता फक्वः कुतः याडा नं नेम्हांतुं वडाध्यक्ष पुं तः मलात । अथे नितान्त थः परिवार जक भिंकयता जुइपिसं थःगु स्वार्थ जक स्वइपिसं डागः याय हे त्याग मयाइपिसं गथे त्वः बः जलाखाला, थः थिति, समाज व देशया खाँय बिचः याइगु जुई ? अमितायां पास जूगु नक्सा हे दकलय तः हांगु व संसार हे त्याकः तयागु थें जुल । मापदण्ड काथं छँ दाडागु या घमण्ड अपुं नेम्हा सिके दःगु जुल । पास जूगु नक्सा काथं फिल्डय जग्गा मरुगु उकी थः गु नं छुं भाति गल्ती दःजुइ धायगु भ्या भाति हे मनय मवांकः । मेम्हा वडाध्यक्ष जुं उकिं हे लाँ नपां अपुं नेम्हा सियां छँ हे दायगु प्रताव हःगु खः । अलय जिं इ नं

मत अलय नयनं पित्यात धायो दायगु कुतः मयाडा । धात्थें हे नेम्हा मध्ये छम्हासिं मापदण्ड छखय लाक छँ दांगु हे दै धायगु बिचः याडा । अलय मति तयो अनुमान जक याडां उकिया छु अर्थ दै जक ? थव त्वः, समाज व देश थजपुं स्वार्थीत यक्व दःगुलिं हे विकास मजगु जुइ धायगु मति वान । जि थजगु हे खाँ मनय खाँ ल्हाक ल्हाक वडाकार्यालय चवडः चवडागु अथेनं स्वतुमखु स्वःगु समस्याया टुँ मलुल । निर्वाचित समितिया बैठकय नं थव विषय छलफल याडा । नेगुपक्षता वडाय सःत खाँ ल्हायगु खाँ क्वः छित । नेगु पक्षता वडाय सःत खाँ ल्हाडा । अथेनं जिं वयकपिन्ता खाँ न्यंकय मफुत ।

लच्छि नेला लिपा प्रहरी प्रशासन तयो जूसां मापदण्ड काथं लाँ तः ब्याकयता नेगु वडाया वडाध्यक्षपिसं निर्देशन बिया । ठेकेदार नं वहे निर्देशन काथं प्रहरी सःतः जवरजस्ती लाँ तः ब्याकल । प्रहरी प्रशासन खाडः ग्याडः नेगु पक्ष यायपुं हः मवगु खाँ ठेकेदारं धाल । उकिं लिपा तिनि जिगु मनय शान्त जूगु अनुभव याडा ।

इगाप


ख्वप नगरपालिका पाखं पिथाडः चवंगु स्वप पौ बः छि पौ खय बांलागु चवसु त बियो ग्वाहाली याडः दिसँ । उगु रचनाया ल्य ज्या याडः पारिश्रमिक बियगु खाँ ख्वप नगरपालिकाया २०७७ श्रावण २६ गते चवंगु बैठकं क्वः छ्यूगु खाँ ब्याक चवडा ।

सम्पादक
ख्वप पौ

भीगु नगर सफा नगर, सफाइ भीगु गौरव

मानव सभ्यता नपां सिँया छ्यला

आशाकुमार विकंबंजार



जङ्गली युगया अन्त्यपाखय गुडै लोहँ कुतौ वगु नेगः ल्वाडः मिं न्वँसेलिं आश्चर्यया डख बुडकः अनेक तर्क बितर्क नपां थियो, पाडः थीथी काथं अभ्यास याडः मिं न्वयो ह्योगवः जुगु सिमा व भारपातया खरानीं सभ्यताया पला न्ह्याकल जुई । गुकिया लिचवः थव एक्काइसौ शताब्दीतक लाडः च्वंगु दहे दःनि । अजनं गुलिथाय सिँ छ्वयकः हेव दयकेगु जक मखुसँ नसा त्वँसा ज्वरय याडः बुकःनयगु याडः च्वंगु दहे दः नि । वहे सिमाक्वय च्वडः तप्यकः वलं मदायक च्वनयगु, तच्वतं लिभः थिडबलय सिमाक्वय च्वडः सिचुक च्वनयगु यायां मनु तयसं पःक्व, बलौचा, दयकं- दयकं छँ दयकः हल । वहे छँ ता छ छँ सिँया धली, निलः, थामा, थां नपां इयो, लुखा, खापा दयकः हल । बुलुहुँ सभ्यतामा इयो खापा चाय्कः पिनयया सुन्दर लकस स्वय सलसा ग्यापुगु लकसता खापा ग्वयो, लुखातिडः सुरक्षाया छेलिड च्वनय सयकल । अलय छखा छँ नं बापासी खुयो क्वथा दयकः बिस्कं पहः दयके सल । कुथिदयक वा, छो या भण्डारण याय सयकल । प्रकृतिया वरदान सिमा बुलुहुँ सिँ जुजुं लुखा जुयो दुकाय सल । इयो जुयो क्वस्वकय् सल । थां जुयो दानयसल । निलः

थामा जुयो फय सयक बिल । अलय वहे बोभ कुबिडम्हा मनुयाता धाल-‘व छँ या थामा खः’ दक । वहे सिँ, सिमाया पहः स्वस्वं मनुया मनय साहित्यया जन्म जुल । तःमागु सिमाक्वय च्वंसा वःफय, तःनु चिकु फयफै । अलय चाकलीया मेगु चिच्या चिच्यामागु सिमाचात वलाग सिमाया क्वय म्वाय थाकुगु पहलं खाड-धाय्गु यात तःमागु सिमाक्वयय गाजलं दाय यो ।’

मनुया समाज तःमि व चिमिया ब्वथलां नेथी काथं नं स्वयगु या । थुगु वर्गीय समाजय तःमिपिसं चिमिपिन्ता याइगु शोषणं थाहाँ वय मफयो न्ह्याब्लें उथि उथि कांगु जीवन कः घाडः च्वंपुं मनुतयता गाजलं दःगु सिमाचा थें धायो उपमा तय्गु याडः हल । अलय अजगु सिमाचाय्ता मानवीकरण याडः नं उपमा छ्यलः साहित्य दुनय अलङ्कार छ्यलय्गु याडः हल । अलय मनुया जीवन नपां स्वाडः कल्पवृक्षथें ता आयु दयमः धायो प्रकृति नपां दाडः स्वयगु दापु काथं नं छ्यलः हल । सिँचुं सिमा क्वःथैगु उपमा नं बियो हल । अलय शिशिरया फसं हाय्कः म्वाम्हाला, सीम्हाला थें जुयो च्वंगु सिमाचाता नागाभोगाया उपमा व वसन्तया चुलीं जःगु सिमाता सम्पन्नताया प्रतिक काथं कायो हल ।

गुकिं मिखां खांगु उगु वस्तुता दिमागं छ्यलः अने-तने उपमात मनुया सिँयाकुथि वा थें स्वथान । दराज दयक वस थें स्वथान, सन्जु दयकः वस थें स्वथाडः क्वपुयो तल । अनेक बांलागु वा बाँमलागु खाँत धलीं क्वालय स्वथान । तासी दय्कः स्वप्याडः तल । अलय नुगलय्या खाँत धलिंमय ध्वःकियो तल । गुगु धबः धवः ल्या (अड्क) जुयो बिल । अलय थामय क्यूगु बुट्टाया बाना बुलुहुँ इयालय प्यपुडः क्वःस्व वान । अलय वहे इयालय वहे प्रकृतिया वरदान म्हवयखा, सिमाह, जुजुं मनुया मनया भावना भगवानया नामं बास याकल । उकीं धाय्फः मनुया सभ्यतायातिसां तिड्केगु अभ्यास दकलया न्हःपां सिमा, सिँ जुयो हज्यागु धाय् फः ।

ख्वपया बिस्का जात्रा वहेसिँया विकसित रूप जक मखुला ? न्ह्यस तय छिं । दकलय न्हः पां ५५ कु हाकम्हा थासिमाया ल्योसिं द्यो थानय्गु मनुया मन तप्यंगु व ताः हाकगु सिमा ल्यय्गुलि जुल । बिँ/सर्प / हलिपतः यखायता हे थजु उगु न्हपांगु मनुया दिमाग वहे सिमाखय जू वांगु स्थानीय वस्तुया छ्यला बिचःया उपज मखुधाय मछिं । अलय विषुवत रेखा अथे धाय् चा वा न्हि बराबर जुइगुलिं लाहा -

सच्छि व न्हयगुगु स्वप पौ. बःछि पौ (पाक्षिक)

कप तयो आपाहिम्हा ल्योसिं थानयगु मनूया बिचः दुनय दुवालः स्वयबलय गुलि द्रहें वाना उलि हे दुग्यडः वानी, तःगः जुयो था गा काय थाकुयो वानि । वहे मनूसिनं तान्त्रिकया लौपु चायुकः दुगुचां ल्योम्हा सिं या द्यो धायो ल्योसिंद्यो दयकगु अलय उकिता जात्रा काथं डायक मान्यता कःगु मनूया बिचः छु, छूं वैज्ञानिक आविष्कार स्वयो म्हवचा जुला ? अलय ल्योसिं थानयता तैगु चवालां थवं थवय् ग्वाहालीया प्रतिक मखु धाय छिनिला ? अलय एकताया प्रतिक जात्रा दुनय सहभागी जुइपिनिगु हःसय व हाइंसयया हपः नपां हा, हा, या निरन्तरता शक्तिया सिद्धान्तया थ्यौरी नपां ज्वः मला धाय छिनिला ? उकि दुनयया अनेक किम्बदन्ती, पूजा-आजा विधि मेगू पाटो खः । प्रकृतिया उपहारयाता तिडकगुतिसा, अविश्वास दुनयया विश्वासया

आभूषण, मदिकक, न्ह्याकः तयगु लौपुया लौजुव थें जुयो च्वंगु संस्कृति फुक्क फुक्कथौ ख्वपया बिस्कं विशेषता वा म्हासिइका थें हलिमय डाडः च्वगु दः । दाच्छितक जात्रा ख्वपय दइगु धायगु दसुकाथं चैत्र मसान्त बलय ल्योसिंथाड न्हेंगु वर्षया बैशाख सङ्क्रान्ति खुनुं क्वः थयगु याडः तःगु जुयमः । नपां पुलांगु साल क्वदयो न्हेंगु साल वल धायगु काथं नं धाइपुं मरुगुमखु । गुलिसिनं थुकिता रतिरागात्मक काथं ल्योसिं मिजं व ल्योसिंगः मिसाया प्रतिक काथं कायो च्वंगु दः सा (तेजेश्वर बाबु ग्वंगः) हाँगः मरुगु ल्योसिं थां सां ज्यू क्वःथ सां ज्यू (चन्द्र बहादुर उलकं) धायो भ्नीकय् हाँगः दयकेमःगु सन्देश काथं नं कायमःगु ज्ञान, कायमःगु दुग्यां नं बियो च्वंगु दः । अथेयां न्ह्याक्वहे कस्टं दाडः वः सां थुगु समाजय क्वथैपुं नं

म्हवचा मखु धायगु नं जां दः । अलय थानिपुं नं थाना हे क्वथैपुं नं थाना हे दः उकिं चेतनाया वलं न्ह्याळ्ने कसय याडः ति धःगु खः ।

समाजं प्याहाँ वगु संस्कार व संस्कृति दुनय समाजया बिचः दैगु हे जुल । वहे ल्योसि द्यो थानय् वं वलं गयो ल्योसिं द्योया कपालयया स्वं कःवानिपुं तःम्हासिं कुतःयासां फुक्क सफल ज्वी मखु । अलय जीवन संघर्ष खः । लाहाफयो अधिकार बिइमखु । अधिकार कायता ल्योसिं द्योया कपालय स्वं कायगु थें थाकु । अपलं संघर्ष मयासिं मगा धायगु खाँ मथुयो हे मनूत गुलिं भ्वें नल, जात्रा स्वत । थवःम्हा ल्योसिं क्वःथःगु स्वयधुन धायो मनय् खाँ ल्हाक ल्हाक इहलीला क्वचाय्की । अलय तालाक्वय् थानिम्हा लाहामरुम्हा ल्योसिं द्यो नं बिस्कां क्वचायकेता जक क्वथैगुलिं थव स्थिरताया प्रतिक काथं नं



स्वप नगरपालिकाया ज्या भवः त

थाकालिपुं ज्येष्ठ नागरिकपिन्ता हानय् ज्या

चैत्र १४ गते



सिद्धिगणेश बचत तथा ऋण सहकारी संस्था लि. ख्वपया र्वसालय नेपाल मजदुर किसान पार्टीया नायो भाजु नारायणमान बिजुक्छे जु या मू पाहाँलय जेष्ठ सदस्य हानयज्या यासे संस्थाया दुजः १०० म्हा ज्येष्ठ नागरिकपिन्ता हानय् ज्या यागु जुल ।

ज्या इवः सं प्रमुख मू पाहाँ बिजुक्छे जुं भाय बांलाक ल्हाय् मसलकी अनेक समस्या फयमालिगु, अपलं मौका नं काय मखानिगुलिं सहकारी संस्थापाखं भाय स्यनय्गु कक्षात चाय्केमःगु सुभावाव बियोदिसे थी थी लोभत क्यडः ज्येष्ठ नागरिकपिन्ता लाहाचिं तयकः छेँ बुँ हे मदयकः चवनय मःगु घटनात काडः दिसे छुं नं भवैतय सही याय हौं छेँ जःपुं व जलाखालापुं नपां सल्लाह याय्मः धायोदिल ।

वयकलं कतया सेवा याः साः जक थःता नं सेवा याइगुलिं ख्वप नगरपालिकां स्वास्थ्य, शिक्षा व सांस्कृतिक लागाय सेवा यासां नं स्थानीय जनतां उगु सुविधाया बांलाकः ल्य ज्या (मूल्याङ्कन) याय मफगु खाँ ब्याकसे सहकारी संस्थापाखं दुजः पिन्ता भ्रमण यंक्यहाँ उगु थासयया खाँ ब्याक्क काडः यंक्य फःसा उगु थायया लुमन्ती लिपा थ्यंकः दै धायोदिल ।

नायो भाजु बिजुक्छे जुं थौ कन्हे तः जाहानय चवनय्गु म्हवँ जुयोवांगुलिं अपलं परिवारय् मचात स्वइपुं हे मरुगुलिं स्कूलय तय यंक्यगु व कःवानयता हे ई फ्याय मफूगुलिं इच्छा दयानं सन्तान बुइके मःमरूगु प्रवृत्ति खानय दयो वगु समस्या परिवारया जक मखु देश याय हे समस्या जुयो वगुलिं थजगु समस्या ज्यंक्यता सहकारी संस्थाय् छलफल यायमगु धायोदिल ।

थाकालिपुं ज्येष्ठ नागरिकपुं धेबां स्वयो थः पुं व थःथितिपुं

नपां अलय जलाखाला नपां नपालाय दःसा लय ताइगुलिं थुखय नं फुक्क सिनं बिचः याय् मः वयकलं धायो दिल ।

ख्वप नगरपालिका वडा नं ७ या वडाध्यक्ष उकेश कवां जुं ख्वप नगरपालिकां बियो वगु छेँ छेँ नर्सिङ सुविधा नपां ख्वप अस्पतालया सुविधाया खायँ मचः मगागु सुभावाव बियो दिसेँ धायोदिसे थौं कन्हे मां ब्वा नेम्हां ज्या वानय् मःपुं जूगुली लिइमलाडः थः पुं मचातयता मां भाय् व भिंगु बानी व्यहोरा स्यनय लिइमलागुलिं थाकालिपुं अजि बाज्या पिसं स्यनय् मः धायोदिल ।

वडाध्यक्ष कवां जुं वडाया ज्या इवः त काडः दिसे चैत्र १७ व १८ गते ज्येष्ठ नागरिकपिन्ता बियो वगु सामाजिक सुरक्षा भत्ता वडां बिइगु खाँ नं ब्याकदिल ।

डा. रत्न सुन्दर लासिवं आना भः पुं थाकालिपुं अजि बाज्या पिन्ता जिवयता हेरविचार याय्गु थीथी खाँत काडः दिसे स्वस्थ जुयो उसायँ भिंकः चवनय्या लागिं नयगु नसा त्वँसा व शारीरिक व्यायाम नं उलिहे मः धायोदिल ।

वयकलं संस्थापाखं चाय्कः तःगु सिद्धिगणेश स्वास्थ्य क्लिनिक पाखं मदक्क जनरल, दन्त, फिजियोथेरापी नपां नुगः ल्वयया स्वास्थ्य सेवात बियो वगु खाँ नं काडः दिल ।

ज्या इवः या सभाया नायो नपां संस्थाया नायो भाजु रुद्र नारायण लाखां ३१ म्हा ल्यासे ल्याम्हो पिनिगु ३१०० तका धेबां न्ह्याकागु संस्थाय् अः २२ हजार शेयर सदस्य दःगु खाँ ब्याक दिल ।

वयकलं संस्था (आर्थिक कृयाकलाप) धेबा काल बिल खय जक लिक्कुडः मचवंसे थी थी सामाजिक ज्या इवः खय नं संस्थां ज्या न्ह्याकः थी थी लाहातय ज्या दैगु तालिमत बियोवयागु, संस्थां उद्यमशीलताता हदाय तयो सुरक्षित ऋण लगानी यायां वयागुलिं संस्था सुरक्षित दःगु खाँ काडः दिल ।

ज्या इवः सं संस्थाया न्वकु बिष्णु राम दुमरु, संस्थाया दांभारी जय राम गोर्खाली व ब्यवस्थापक शिला गोसाईं नं न्वचु तयो द्यगु खः । उगु ज्या इवःसं ज्येष्ठ दुजः पुं अजिबाज्या पिनिगु निःशुल्क नुगः ल्वयया उपचार नपां जनरल स्वास्थ्य परीक्षण व निःशुल्क वास ईडः ब्यूगु खः ।

देश व जनताया सेवकपुं गुळ्लें बुडमखु

चैत्र १४ गते

नेपाल मजदुर किसान पार्टी ख्वप नगरपालिका ७ वडा समितिया ग्वसालय वांगु फागुन २१ गते क्वचःगु प्रतिनिधिसभाया निर्वाचनय मतदान यापुं नपां ग्वाहाली यापुं सकल महानुभावपिन्ता सुभाय देछायगु ज्या इवःसं नेमकिपाया केन्द्रीय दुजः नपां ख्वप नगरपालिकाया प्रमुख सुनिल प्रजापति जुं नेमकिपां क्रान्तिकारी संसद्बादता छ्यलः देश व जनताया भिंयायुता राजनीति याड्गु पार्टी जुगुलीं देश व जनताया पक्षसं सडक संघर्ष मदिक्क याड्गु खाँ काडः दिल ।

युक्तेनता १९९३ खय एसपीपी याक्य धुकः नाटोया दुजः जुगुलिं हे युक्तेन रसिया युद्ध जुगु खाँ स्वाडः दिसे वयकलं नेपालीता नं थ्वहे चक्रब्यहखय लाक्य फःगुलिं जनता सचेत जुयमः धायोदिल ।

भदौ २४ गते व्यवस्थापिका, न्यायपालिका व कार्यपालिकाता मितयो ह्योग्वः याडः ब्यगु खाँ व्याकसे वयकलं छुं नं साधारण शक्ति अथे याय मफैगु खाँ व्याकसे सं.रा. अमेरिका सैनिक पोशाक फियो वयमः धायगु मखु नेपाली ख्वःया अमेरिकी बिचः ज्वडः च्वंपुं पाखं हे अमेरिकाया ज्या पूर्वाकिगु जुयफः धायोदिल ।

न्हूंगु पुस्ताया ल्यासे ल्याम्होपुं व्यनामिपिन्ता देशता माया

ख्वप नगरपालिका १० वडाय् कानूनी परामर्श

चैत्र १४ गते

ख्वप नगरपालिकापाखं चाय्कः तःगु कमलविनायक छिकोडः समूह ख्वप नगरपालिका वडा नं १० या ग्वसालय शनिवार कानूनी परामर्श ज्या इवः जुल ।

ज्या इवः सं ख्वप कलेज अफ ल या प्राचार्य अनिता जधारी थौं कन्हे महिला तता केहेंपुं, ल्यासे ल्याम्होपुं व मचातयसं सञ्चारमाध्यमय् थगु न्ह्यान्धिथया ज्यात, फुक्क किपा व मिडियाखय पोस्त यासेलीं साइबर अपराधीतयसं अजपिन्ता तातुडः अपराध याडः च्वंगु खाँ ब्याकः दिल ।

सञ्चार माध्यमय योयो मयोगु थी थी वेभसाइट चाय्केगु, ओटिपी कोडत न्ह्याम्हासिताजूसं बिड्गु, म्हामस्यूपुं मन्तयता नपा लःवानिगु ज्याखं मन्त अपराधीतयगु जालय लः वानिगु खाँ व्याकसे वयकलं सञ्चारमाध्यम चाय्केबलय् होस याय् मः धायोदिल । वयकलं थः परिवारपुं व जलाखालापिन्ता

याय्गु, देशया नितिं ज्या याड्पुं जनशक्ति काथं ब्वलांकय मःगु खाँ ब्याकसे वयकलं देश व जनताया सेवा याड्पुं गुळ्लें नं बुडमखु धायोदिल ।

नेमकिपाया केन्द्रीय दुजः नपां ख्वप नगरपालिका वडा नं ७ या वडाध्यक्ष उकेश कवां जुं निर्वाचनय त्या बु जुड्गु तःहांगु खाँ मखु, देया राजनीति अमेरिकी साम्राज्यवाद व भारतीय विस्तारवादया इशाराय न्ह्याक तलय् देश व जनताया भिं मज्जुगु खाँ व्याकसे नेमकिपां मदिसें अमेरिकी साम्राज्यवाद व भारतीय विस्तारवादया विरोध याडः वगु खाँ अभन हे सिय दयो वगु खाँ काडः दिल ।

वयकलं मतदाता व सकल ग्वाहालिमिपिन्ता सुभाय देछायो दिल । नेमकिपा नगर समितिया दुजः नारायण प्रसाद त्वानावासुं थुगुसिया निर्वाचनय मतदान धुकः मतपेटिका नपां दलया प्रतिनिधिपुं मयंकसे सेनाया जिम्माय् यंकगु खाँ कुलः दिसे गथे युक्तेनय ख्यालीगुलु जेलेन्कीता त्याकयता अमेरिकां जः ग्वता अथेहे, नेपालय नं ज्वगुलिं जनतात सचेत जुयमः धायोदिल ।

नेमकिपा ७ या अध्यक्ष नपां निर्वाचन परिचालन समितिया नायो कृष्ण गोविन्द खाड्जुंया सभानायोलय जुगु सभासं बलराम गोसाई व दिपक खिचाजुं नं न्वचु तयो द्यगु खः ।

सञ्चारमाध्यम पाखं जुय फःगु आपराधिक ज्याया खाँ ब्याकय्गु व सचेत याय् मः धायोदिल ।

ख्वप नगरपालिका वडा नं १० या वडाध्यक्ष लक्ष्मी प्रसाद ह्योमिखां नेमकिपां, निर्वाचनता सत्ताय वानयगुया नितिं मखुसें जनताता सचेत यायां छप्पा छधियाडः राजनीतिक शिक्षा बियगु छगु माध्यमकाथं छ्यलः वगु खाँ काडः दिल ।

वयकलं ख्वप नगरपालिकापाखं याडः वगु विकास निर्माणया ज्यात जुयो च्वंगु गुगु बल्लाक अलय् म्हवचा धेबां ज्या सिधयक वगु खाँ नं काडः दिल ।

बिनु बनमालां प्रोजेक्टर पाखं कानूनी परामर्श ब्यगु खः । कमल विनायक छिकोडः समुहया स्यनामि कमल कोजुया सभानायोलय जूगु उगु ज्या इवःसं जितेन्द्र मुनकःमि व विनिता अवालं नं न्वचु तयो द्यगु खः ।

देको मिबा इटापाके आवास योजनाया समस्याया विषय छलफल

चैत्र १५ गते



खप नगरपालिकापाखं न्ह्याकगु देको मिबा इटापाके जग्गा एकीकरण आयोजनासं स्थानीय उपभोक्तापिनिगु न्यायोचित मागत सम्बोधन याय्गु विषयलय् स्वापु दःपुं नपां सकारात्मक छलफल जुयो चवंगु दः । श्वहे इवल्य् नगरकोट सडकया सिथय आयोजना हॉ नगरपालिकाया नियम काथं नक्सापासयाडः छँ दांपुं छँ थुवपुं नपां आइतबार नगरपालिकाया सभा कक्षसं

छलफल जूगु खः ।

ज्या इवः सं वडा नं ७ या वडाध्यक्ष नपां वार्ता समितिया उकेश कवां जुं जनभावनाता कदरयासे स्थानीय उपभोक्तापिनिगु अपलं भिंयाडः आयोजना हछ्याय्गु कुतःया खॉ व्याकसे सल्लाघारीनिसं देकोचा तकया नगरकोट लाँसीया आयोजना दुनय लाँपु घर जगाया जनताया समस्याता नगरपालिका व आयोजना दुनय गम्भीरतापूर्वक स्वयो, बिचः याडः चवंगु खॉ नपां स्वापुदःपिनिगु माग व आयोजनाया प्राविधिकपिनिगु विश्लेषणया लिधंसा फक्व मथां समस्या ज्यंकयेगु खॉ ब्याकः दिल ।

ज्या इवः खय भःपुं स्थानीय जनतां नगरकोट सडकया अःयाय्गु अवस्था आयोजना हॉ हे दयके धुकः भौतिक निर्माण नपां दानय धुकगुलिं आयोजनां हकनं ताडः कट्टाकाय मज्य्गु, जग्गाया मूल्याङ्कनया धेबा अपःतःगु, जग्गा कट्टाकाय्गु ज्या इवःखयप्राविधिक त्रुतिं दःगु थजगु गुनासात पिब्वसे जनप्रतिनिधिपिसं अःयाडः चवंगु कुतः बांला धायोदिल ।

खप इन्जिनियरिडया अन्तर विभाग फुटसल

चैत्र १४ गते

खप नगरपालिकापाखं चाय्कः वःगु खप इन्जिनियरिड कलेज फुटसल सर्कलया ग्वसालय शनिबार निसं 'अन्तरविभाग छात्र फुटसल' या धिंधिं बल्ला जुल । कलेजय ब्बडः चवंपुं ब्वनामिपिनिगु सेमेस्टर ब्रेकता रचनात्मक याय्गु तातुडः ग्वसः ग्वगु धिंधिं बल्लाया न्हपांगु दिनय हे कासामिपुं व स्वकुमिपुं अपलं स्वः वगु व दुतिंगु खः ।

स्थानीय फुटसल खललय ग्वसः ग्वगु उलेज्या ज्या इवः सं कासा स्यनामि श्याम कृष्ण बासुकलां निर्णायक (रेफी) ता फुटवल लः ल्हाडः कासा उलेज्या यागु खः । वयकलं प्राविधिक शिक्षा नपां कासा व अनुशासनया महत्व काडः दिसे कासां मानसिक स्फूर्ति व शारीरिक तन्दुरुस्ती याइगु खॉ नं काडः दिल ।

धिंधिं बल्ला कासाय कलेजया थी थी संकाय व विभागया १६ श्व छात्र (मिजं) पिनिगु टीमं धिंधिं बल्ला याइसा नेन्हूतक न्ह्याइगु धिंधिं बल्ला कासाया न्हपांगु दिनय नकआउट चरणया



कासात जुय धुकल । धिंधिं बल्ला कासाया फाइनल कासा आइतवार जुइगु ग्वसाखलं धःगु खः ।

सच्छि व न्हयगुगु स्वप पौ, बःछि पौ (पाक्षिक)

स्वलाया आधारभूत कम्प्यूटर तालिमया अभिमुखीकरण

चैत्र १६ गते

ख्वप नगरपालिकाया गवसालय जुङ्गु स्वलाया आधारभूत कम्प्यूटर तालिमया सोमवार जूगु अभिमुखीकरण ज्या इवः सं ख्वप नगरपालिकाया प्रमुख सुनिल प्रजापति जुं न्हयागुं लागाय लाहातय ज्या दयकेया लागिं मदयक मगागु सीप मध्ये कम्प्यूटर खः धायोदिसे थौ कन्हेया युगय कम्प्यूटर मसयकः छुं नं उपलब्धी काय थाकुइगुलिं नगरपालिकां कम्प्यूटरया तालिम बियगु ज्या मदिक्व न्ह्याकः चवंगु खाँ काडः दिल ।

तालिमता सयक अथेंतुं औपचारिकताखय जक लिक्कुं मतसे सयकागु ज्या व्यवहार्य छ्यलयता सल्लाह ब्यूसे वयकलं जीवनय मति तयाथें फुक्क ज्या पूमवानिगु, जीवनया हिकुनय अनेक समस्या वय फःगु लिं समस्या नपां ल्वाडः हज्याय फःपुं जक आजुइथ्यनिगु खाँ ब्याक दिल ।

मेपू नपां लाडः थःछुं मखु मधसें जिं फया, जिं याय धायगु आत्मविश्वास ज्वडः हज्याय मःगु खाँ नपां वयकलं सकारात्मक सोच ज्वडः हज्यायता स्यनामिपिन्ता सल्लाह बियो दिल ।



ख्वप बहुप्राविधिक अध्ययन संस्थानया प्राचार्य रत्न सुन्दर लासिवं ज्ञानया जः चख्येकः तःब्याक यंकयगु लिधंसा तालिम खः धायोदिल । प्रशिक्षक ई. रमेश प्रजापतिं तालिमया खाँ बःचा हाकलं काडः दिसे तालिमय् छन्हू हे त्वः मफिइक वय फःसा जक बांलाक सयके फैगु खाँ काडः दिल ।

सुज्या सुयग, साँ च्याकयगु व ज्वरय यायगु तालिम क्वचाल

चैत्र १६ गते



ख्वप नगरपालिकाया गवसालय न्ह्याकगु खुलाया आधारभूत सुज्यासुयगु सिलाई, एडभान्स सिलाई, साँ च्याकयगु हेयर कटिङ्ग व ज्वरय यायगु पाक शिक्षा या तालिम क्वचःगु व दसिपौ इयगु ज्या इवःसं ख्वप नगरपालिकाया प्रमुख सुनिल प्रजापति जु परिश्रमं हे मनूतयता तःलाकिगु लिधंसा खः धायोदिसे, तःलाकयता ता ई बियफः अथेंतुं परिश्रमया फल तस्कं साइगु खाँ काडः दिल ।

वयकलं ल्यासे ल्याम्होपुं सीप व भायता सयके मःगुलि बःबियो दिसे लाहातय सीप व ज्या दःपुं गुब्ले ज्या मदयकः चवनय् म्वालिंगु खाँ नपां ख्वप नगरपालिकां गुणास्तरीय शिक्षा व स्वास्थ्य लागाय हदाय तयो ज्या साडः वगु खाँ काडःदिल ।

ज्या इवः या सभाया नकीं मयजु अलय कार्यपालिकाया दुजः रोशन मैयाँ सुवालं तालिम काय धुंक थमनं सयकागु ज्ञानव्यवहार्य छ्यलय मःगु सल्लाह ब्यूसे सरकारी ज्याइवःत छ्यलयता अपलं पंगः त दैगु, देशय ज्या बिय मफूतकिं अपलं मनूत विदेशय वानिगुलिं छम्हा छम्हा ल्यासे ल्याम्हो पिनिगु लाहातय छगू नं छगू ज्या दयकः तयमः धायोदिल ।

ज्या इवः सं वडाया दुजः सुमित्रा बोहजुं तालिमं सयकगु ज्ञानता मदिक्व छ्यलयमः धायोदिल ।

ज्या इवः सं आधारभूत सिलाई तालिमया स्यनामि धर्मलक्ष्मी लघु, पाकशिक्षा तालिमया स्यनामि विष्णु श्रेष्ठ व सयकामिपिनिपाखं एडभान्स सिलाई तालिमया प्रशिक्षार्थी चिरीमाया लाखाजूपिसं थःथगु अनुभव व बिचः तयो द्यूगु खः । ज्या इवः या मू पाहाँ प्रजापति जुं तालिम कः पिन्ता दसिपौ लःल्हाडः ब्यूगु खः ।

सांस्कृतिक गुरुपुं मुंकल

चैत्र १२ जते



ख्वप नगरपालिकाया ग्वसालय नगरपालिकाया सभाकक्षसं सांस्कृतिक गुरुपुं मुंकः ख्वप नगरपालिकाया प्रमुख सुनिल प्रजापति जुं जनताया सल्लाह सुभावा काथं ख्वप नगरपालिकां दायँ दायँ पतिकं छगू बाजाया धिंधिं बल्ला याडः वगु नपां न्ह्यागु हे बाजाया धिंधिं बल्ला याःसां व नपां स्वापु दःपुं सःपुं गुरुपिनिगु राय, सल्लाह व सुभावात कायो ज्या न्ह्याकः वयागु खाँ काडः दिल ।

ख्वप देता यच्चुपिचुगु दे दयकेता सुचुकुचुखय विशेष ध्यान तयो संस्कृति ल्यंकः, म्वाक तयगु ज्या याडः वयागु खाँ नपां वयकलं

ब्रम्हचारिणी आ.वि. या भवन निःस्वान

चैत्र १२ जते

ख्वप नगरपालिकाया प्रमुख सुनिल प्रजापति जुं ख्वप नगरपालिका वडा नं १० भुतिपाखय ब्रम्हचारिणी आधारभूत विद्यालयया न्हँगु भवन दानयता निः स्वाडः दिल । उगु ज्या इवः सं वयकलं न्हँगु पुस्ताता सभ्य व संस्कारं जःपुं यायता मःगु ब्वनयकुथिता भौतिक पूर्वाधार दाडः ब्रियगु नपां शिक्षकपिन्ता तालिम ब्रियगुलि विशेष ध्यान ब्रियो वयागु खाँ काडः दिल ।

न्हपा-न्हपा न्हयलुवापिसं शैक्षिक विकासया लागिं थः थाय् दःगु द्योछँ, सतः, फल्चाय ब्वनयकुथि चाय्कः वगु खःसां थौ कन्हेया इलय आधुनिक सुविधां जःगु थःगु हे ब्वनयकुथिया भवन दाडः च्वंगु खाँ ब्याकसे वयकलं जनतां निर्माण व शैक्षिक गुणस्तरय विशेष ध्यानतयो स्वयो च्वनय् मःगु खाँ नपां न्हयलुवापिनिगु योगदान थौं ख्वप दे, देयाय् हे शैक्षिक गन्तब्य जुयो वगु नपां ज्ञान विज्ञानया मू थाय् काथं हज्याडः च्वंगु खाँ नं काडः दिल ।

विद्यालय व्यवस्थापन समितिया नायो नपां पूर्व उपप्रमुख चैत्य राज शाक्य जुया सभा नायोलय जुगु उगु सभा सं वयकलं वागमती प्रदेश सरकारया ३५ लाख तकाया आर्थिक ग्वाहालीखं उगु भवनया न्हपांगु पलाया ज्या जुयो च्वंगु खाँ काडः दिल ।

ख्वप नगरपालिका वडा नं १० या वडाध्यक्ष लक्ष्मी प्रसाद

संस्कृतिकःमिःपुं समाजया हानय मःपु मनूत खः धायो दिल । नगरया महत्वजःगु भीगु थःगु मौलिक अमूर्त सम्पदातयगु धःल दयकेया लागिं मदिक कृतः जुयो वगु नपां खाँ ब्याकसे वयकलं ख्वप नगरपालिकां अभौतिक सम्पदात कसिमला पायँ, कवांचा प्याखं, जुजुधौ, ख्वपया तकातपुली, रणजित मल्लया च्वसापिज्वगु नेपु म्यँया अमूर्त सांस्कृतिक सम्पदाख्य च्वकय्या लागिं नगरपालिकां कृतः याडः च्वंगु खाँ काडः दिल ।

ज्या इवःसं वडाध्यक्ष रबिन्द्र ज्याखं, राजकृष्ण गोरं नं न्वचु तयो द्यगु खःसा बडाया सांस्कृतिक गुरुपुं विश्वनाथ प्रजापति, कृष्णाकुमार सुवाल, विष्णु प्रसाद प्रजापति, ज्ञानेन्द्र सुवाल, कृष्ण गोपाल त्वायना, लक्ष्मी भक्त सिजख्वः, बिष्णु बहादुर मानन्धरपिसं दाफा भजन, लालाखीं, नायखिं बाजा, मालति बाजा, पोडा बाजा धिंधिं बल्ला मजुनिगुलिं उकि मध्ये छगूया धिं धिं बल्ला याय् दःसा बांलाई धायोदिल ।

थ्व नं हाँ ख्वप नगरपालिकाया ग्वसालय बाँसुरी, धिमे, धाँ, पछिमायँ, प्रगतिशील भजन, बाजात धिंधिं बल्ला याय् धुकुगु खः । आ.व.२०८२/८३ या लागिं छु बाजाया धिंधिं बल्ला याः सा बांलाई धाय्गु तातुडः गुरुपुं मुंकगु खः ।



हयोमिखां उच्च शिक्षाया जग आधारभूत तगिं जगुलिं शिक्षा नपां भौतिक अवस्था नं बांलायमः धायोदिल ।

वागीश्वरी मा.वि. व्यवस्थापन समितिया दुजः ज्ञानसागर प्रजापतिं ब्वनामिपुं म्हवचा जूयवं थिइकः च्वंगु ब्वनयकुथि स्वाडः (मर्ज) छ्वयगु सरकारया नीति बांलागु मखुधायोदिसे मेहनत याः सा ब्वनामिपुं अपलं दय्के फैगु उदाहरण ब्रम्हचारिणी स्कूल नं खः धायो दिल ।

वयकलं धःकाथं २०७६ सालय नेम्हा जक ब्वनामिपुं दः गुलि अः स्वंगू तगिंतक खय ७५ म्हा ब्वनामिपुं ब्वडः च्वंगु दः धायो दिल । ज्या इवः सं प्रधानाध्यापक राधिका कोजु व न्हपायाय्म्हा शिक्षक चन्द्र बहादुर उलकं नं न्वचु तयो द्यगु खः ।

जेन्यूइन स्कूलय दीक्षान्त समारोह

चैत्र १९ गते



ख्वप नगरपालिकाया प्रमुख सुनिल प्रजापतिया मू पाहाँलय जेन्यूइन सेकेण्डरी स्कूलया किण्डर गार्टेन सेक्सनया दीक्षान्त समारोह सं प्रमुख प्रजापति जुं ब्वनामिपिनिगु स्तर उन्नतिया लागिं लसहांसे दीक्षित जूपुं सकलें ब्वनामिपिन्ता भिन्तुना देछसे छगू छगू संस्थां प्रगति याइबलय थः थःगु मौलिक पहलं ज्या सानय मःगु अलय मेपिनिगु नक्कल याइपिसं थःगु पहः दयके मफइगु खाँ काडः दिल ।

ख्वप नगरपालिका दुनय १२ गू ब्वनयकुथित चायुकः तःगुलि सामुदायिक व संस्थागत ब्वनयकुथि ब्वडः च्वंपुं ब्वनामिपिन्ता बांलागु, भिंगु शिक्षा बियगु तातुडः नगरपालिकां अभिभावकत्व कायो मदिकक हछ्याडः यंकयगु कुतः याडः च्वडागु खाँ ब्याकसे वयकलं ब्वनामिपितिकं छगू छगू बिस्कं पहःया गुण दैगुलीं ब्वनामिपिन्ता ब्वनयगु

नपां नैतिक ज्ञान नं बियो व्यवहारिक जुयगु नं ब्वनयकुथिं मदिकक स्यँ स्यँ हज्याय मःधाधां 'ब्वनयगु जक ज्ञान मखु, न्ह्यागु नं विषय सयकेगु हे थः काथंया ज्ञान खः धायो दिल ।

वयकलं ब्वनामिपिनिगु मौलिक सांस्कृतिक पक्ष नपां नपां स्थानीय राष्ट्रिय व अन्तराष्ट्रिय विषयलय ज्ञान बियगु शिक्षकपिनिगु दायित्व खः धायोदिसें आधारभूत तगिलय ब्वनिपुं ब्वनामिपिनिगु जग बालकसैं कन्हेया सभ्य व सुसंस्कृत समाज दयकेगुलि बः याय मः धायो दिल ।

ब्वनयकुथिया निमित्त प्रिन्सिपल राजन धौभडेलं दीक्षान्त समारोह याडागुया मू तातुना, बःचा बचा ह्विपुं मचातयगु मेहनत, उपलब्धी, शैक्षिक प्रगति थजगु थी थी ज्या भूवः त अभिभावक पिनिगु हःनय हौसला काथं पिब्वयगु खः धायोदिसे ब्वनयकुथि आखः स्यनयगु संस्था जक मखुसैं बांलागु संस्कार, साहिष्णुता, अनुशासन नपां ब्वनामिपिनिगु चाकलीया विकासया पूर्ण जिम्मेवारी काइगु संस्था नं खः धायोदिल ।

विद्यालय व्यवस्थापन समितिया नायो नारायण भक्त था या सभा नायोलय जगु उगु ज्या भूवःसं ब्वनयकुथिया सहायक प्रधानाध्यापक सौगात गेलाल, अभिभावक प्रतिनिधि महेश मास्के व शिक्षिका रिना तिमिलां नं न्वचु तःगु खः । मू पाहाँ प्रजापति किण्डर गार्टेनया ५४ म्हा ब्वनामिपिन्ता दीक्षित याडः दिल ।

नतिजा पिब्वत

ख्वप नगरपालिका पाखं कःगु आधारभूत तगिं (च्यागु तगिं) या नतिजा पिता ब्वगु जुल । उगु नतिजा चैत्र २५ गतेया बैठकं निर्णय यागु खः ।

नगर शिक्षा समितिं धः काथं

- आवेदन फारम भरय यापुं मुक्कं ब्वनामिपुं २९३९ म्हा (सामुदायिक पाखय ९५९ म्हा, खुल्लाखय १० म्हा व संस्थागत पाखय १९७०)
- परीक्षाखय दुतिपुं ब्वनयकुथिया ल्या ६४ गू (सामुदायिक पाखं १७ गू, खुल्ला सामुदायिक पाखय छगू व संस्थागत पाखय ४६ गू)
- जाँच ब्युपुं परीक्षार्थित २९३९ म्हा
- जाँच ब्यु मवपुं ब्वनामिपुं -१० म्हा
- गुगुतगिलय ब्वनयता योग्यपुं ब्वनामिपुं २७१२ (९२.२८ प्रतिशत) (छुं नं विषयलय सैद्धान्तिक व प्रयोगात्मक खय NG मवपुं)

Particular community institutional Total

GPA 3.61 to 4:00	110	457	567
GPA 3.21 to 3:60	236	841	1077
GPA 2.81 to 3:20	263	497	760
GPA 2.41 to 2:80	177	97	274
GPA 2.01 to 2:40	32	2	34
GPA 1.61 to 2:00	-	-	-
Total	969	1770	2939
NG	151	76	227

नतिजा स्वयता स्वपु दःगु ब्वनयकुथिया ग्रेड लेजर emis.gov. np लग इन याड, manage exam दुनय Grade wise Ledger पाखय class 8 ल्ययो स्वयता अलय Grade Ledger प्रिन्टयाड नतिजा स्वय फैं ।

(पुनश्चः NG वपिन्ता २०८३/१/७ गते निसे ग्रेड वृद्धिपरीक्षाया व्यवस्था नं यागु दः । उकिता २०८३/१/४ गते दुनय ब्वनयकुथिं निवेदन बियमः ।

६९ कगु सहकारी दिवस

चैत्र २० गते



नेपाल मजदुर किसान पार्टीया नायोभाजु नारायणमान बिजुक्छेँ (रोहित) जुं सहकारी संस्था गरिबपिनिगु आर्थिक स्तर थाकायता नि:स्वांगु ख: धायो दिल ।

ख्वप नगरपालिकाया ग्वसालय ६९ कगु राष्ट्रिय सहकारी दिवसया लसताय जगु न्वचु ज्या इव:सं न्वचु तयो दिसे वयकलं सहकारी संस्थातयसं धेबाया कालबिलखय जक लिक्डु: मच्वंसें कृषि, स्वास्थ्य, गरिबपिन्ता शिक्षाखय छात्रवृत्ति, ई काथंया तालिम थजगु अपलंसिता भिं जुडुगु ज्यायायम: धायोदिसे सहकारीया धेबा थ: यत्थें छ्यल: सर्वसाधारण जनताया बचतया धेबा फसय ब्वयक तै पिन्ता ऐन दयक: सम्पति जफत यायगु तुरुन्त मुद्दा तयम:गु खौं तयो दिसे सहकारी संस्थाय स्थानीय व्यक्ति तयसं जक चायकें दैगु नियम दयके फ:सा वचत थ: यत्थें छ्यलय् फैमखु धायोदिसे संस्था ई काथं अर्थशास्त्र व थी थी भायया तालिम बियम: धायोदिल ।

ख्वप नगरपालिकाया प्रमुख सुनिल प्रजापतिं ख्वपय सहकारीया धेबा थ: यत्थें छ्य: पिन्ता कार्बाही यागु खौं कुल: दिसे समुदायता भिं यायगु अलय् समाजता हछ्यायगुलि सहकारीया त:हंगु लाहा दै धायोदिल ।

वयकलं कन्हेया लागिं धायो जनतां छर्का-नेर्का याड: मुड: त:गु धेबा या चिच्याहांगु पूँजी (लाय) ता सहकारीतयसं थ: यत्थें

छ्यलय तांगुलिं जनताया बचतया धेबा सुरक्षित यायता नगर दुनय कार्य क्षेत्र मरुपिन्ता सहकारीतयता सिफारिस मयाडागु खौं स्पष्ट यासे अजगु बहुउद्देश्यीय सहकारीसं अपलं समस्या वगु खौं ब्याकसे ख्वप नगरपालिका संकटग्रस्त सहकारी संस्थात नपां खौं ल्हाड: नगरबासीपिनिगु बचत सुरक्षित यायगु कुत: याड: च्वडागु खौं नपां सहकारी सञ्चालकपिसं छम्हा छम्हा दुज:पिन्ता संस्थाया तातुना कानयगु व दुज: पिसं नं संस्था म्हासिडक जक कालाबिल यायता सल्लाह बियो दिल ।

उपप्रमुख रजनी जोशी सहकारी संस्था तयसं सहकारीया वित्तीय व आर्थिक अनुशासन, सहकारीसिद्धांत व मूल्य मान्यता थुईक: दुज: पिनिगु जीविकोपार्जन व कला कौशल पिब्वय फैगु याड: उकिता व्यवसायीकरण पाखय हयम:गु खौं नपां सहकारी संस्थातयगु वैगु दिनय वचतकर्ता पिनिगु वचत धेबा मस्यनिगु काथं संस्था हछ्यायम: धायो दिल ।

ख्वप नगरपालिका वडा नं. २ या वडाध्यक्ष नपां सहकारी समितिया कजि हरिप्रसाद बासुकला नगर दुनय चायक: त:गु सहकारी संस्थातयगु ब:चा हाकलं म्हासिडका पिब्वसे सहकारी संस्थां संस्थाय् द:गु शेयर पुँजी, जगोडा कोषता बिच: याड: आदर निकेतन चायक: सामाजिक सेवा व थी थी छ्यै छैगु थासय् लाय छ्यलय् फ:सा समाज हछ्यायता ग्वाहाली जुई धायो दिल ।

भक्तपुर जिल्ला बचत तथा ऋण सहकारी संस्थाया दांभारी कृष्ण श्वरी प्रजापतिं सहकारी संघं पलिस्था यासां निसें समुदायया लिधंसाय नि:स्वांगु सहकारीया भिं यायगु ज्या याड: वगु खौं ब्याकसे वचत तथा ऋण सहकारी संस्थातयसं धेबा कालबिलखय जक लिक्डु: मच्वंसें समुदायमा भिं ज्याखय छ्यै छैगु थासय लाय छ्यलय फ:सा सहकारीया नां अजं बांलाइ धायोदिल ।

उगु ज्या इव:सं सहकारी अनुगमन समितिया हरिरत्न गोर्खाली व नारायण प्रसाद त्वानाबासुं नं न्वचु तयो द्यगु ख: ।



सहकारी दिवसया नसंचा हुलय ज्या

चैत्र २० गते



खप नगरपालिकाया प्रमुख सुनिल प्रजापतिया मू पाहाँलय भक्तपुर जिल्ला वचत तथा ऋण सहकारी संस्था खपया गवसालय६९ गू राष्ट्रिय सहकारी दिवसया लसताय जगू नसंचा हुलयगू ज्यालीसं न्वचु तयो दिसे छगू नेगू सहकारिया सञ्चालकपिसं व्यक्तिगत स्वार्थया नितिं सहकारीया धेबा थमनं छ्यलः अजगू संस्थाय समस्या वगु खॉ व्याकसे देया नां दांपुं मनूतयसं चायक तःगु सहकारीत हे संकटय लागु नपां जनताया अबौतक नाखय दुडः च्वंगु खॉ काडः दिल ।

वयकलं सहकारीया खबौतका बैकय सुंकः स्वथाडः तय मःगुलिं अजगु लाय नेपाल सरकारं थी थी आयोजनात जलविद्युत परियोजना, तःत हांगु कारखानात चायक यंकय फःसा देया उत्पादकत्व अप्वयो वैगु नपां सहकारीया धेबा खः थाय लाडः दुज पिनिगु भिं

जुडगु विश्वास प्वकः दिल ।

सरकारं छुं नं योजना न्ह्याकय मःसा विश्व बैक, एशियाली विकास बैक व अन्तरराष्ट्रिय मुद्रा कोषय त्याय काइगुलिं देश विदेशी ऋणय दुडः वांगु खः, नेपःया सार्वजनिक ऋण २९ खबं स्वयो अपः थेनय धुकलसा चालुपूँजी अथे धायगु कर्मचारीपिन्ता तलब नकयूता हे राज्यं धेबा त्याडः नकयू माल धायो दिल ।

खप नगर दुनय १५६ गू सहकारीत चायकः तःगु मध्ये खपं पिनेनं वयो सञ्चालन याडः तःगु सहकारीया सञ्चालकपिनिगु सम्पति विवरण सिडके मफैगुलिं आनालाक समस्या जुयो च्वंगु खॉ नपां सहकारी दुबय याडपुं सञ्चालक न्ह्याम्हा हे जूसां न्ह्यागु पद यायपुं जूसां अपराध स्वयो कडा कार्बाही याय मः धायो दिल ।

बिस्का नखाया भिन्तुना

चैत्र २० गते

नेपाल क्रान्तिकारी महिला संघ खप नगरपालिका वडा नं ९ तुमचो दुगुरे चोखा एकाइ समितिया गवसालय स्थानीय जनतात मुडः बिस्का नखाया भिन्तुना देछायगु ज्या इवः सं पार्टीया केन्द्रीय दुजः नपां खप नगरपालिका वडा नं ९ या वडाध्यक्ष रबिन्द्र ज्याख्वं प्रतिनिधि सभा सं मादल चिंहखय छाप तयो द्यूपुं सकलसिता सुभाय देछायो दिसे नेमकिपा ज्या साडः नैपुं ज्यापु ज्यामितयगु दथवीं दाडः वगु पार्टी जुगुलिं जनताया समस्या ज्यंकयगु व देया सार्वभौमिकता रक्षाया नितिं न्ह्याब्लें हज्याडः च्वंगु खॉ व्याकसे पार्टीपाखं त्याकः वाडः खप नगरपालिकापाखं जनताया आर्थिक, सामाजिक व सांस्कृतिक स्तर थाकायता थी थी ज्या इवःत याडः वगु नपां त्वनयगु नाः या समस्या ज्यंकयूता जुयो च्वंगु खॉ काडः दिल ।

पार्टी तुमचो दुगुरे एकाई समितिया बी आर प्रजापतिं न्हुंगु पुस्ताता समाजप्रति उत्तरदायी यायूता अलय देशभक्त न्हुंगु पुस्ता ब्वलांकयूता घरपरिवार, ब्वनयूकुथि, कलेज, पासा सड्गात बांलागु संस्कार सयकिगुलिं उखय पाखय ध्यान तयमः धायो दिल ।

नेपाल क्रान्तिकारी महिला संघ व खप नगरपालिका कार्यपालिकाया दुजः छोरीमैयाँ सुजखुं नगरपालिकां स्थानीय जनताया भावना थुडकः इलय ब्यलय स्वास्थ्य उपचारया खायँ शिविरत चायक वगु खॉ काडः दिल ।

ज्या इवः सं महिला संघया चन्द्र लक्ष्मी दुवाल व मनिता कोजुं नं बिस्का जात्राया सांस्कृतिक महत्वया खॉ नपां विकृति व म्वः मरगु ज्याखं तापाक्क च्वनयूता इनाप याडः दिल ।

सामुदायिक ब्वनयकुथित नमूना काथं हछ्याय् मः

चैत्र २२ गते



खप नगरपालिकाया प्रमुख सुनिल प्रजापति जुं सन्तति आ.वि.या ३८कगु देँ बुदिया पानसय मताच्याकः उलेज्या यासे खप नगरपालिकां सामुदायिक व संस्थागत ब्वनयकुथिता शैक्षिक गुणास्तरय् उथिंग्यंकय्गु कुतः याडः वगु नपां समुदाय हज्याकय्ता मदिकक कुतः याडः चवंगु खॉ काडः दिल ।

वयकलं सन्तति आ. वि. या स्तरोन्नतिया पला हज्याकः चवंगु खॉ ब्याकसे ब्वनयकुथिया शैक्षिक विकास नपां नपां ब्वनयकुथिं ब्वनामिपिन्ता नैतिक व सामाजिक भावना ब्वलांकय् बियगु नपां नपां स्थानीय, राष्ट्रिय, अन्तरराष्ट्रिय विषयवस्तु स- स्यु व थुपुं याय मःगु नपां खप नगरपालिकां स्थानीय पाठ्यक्रम पाखं नगरया विषयवस्तुया खॉ काडः वगु, खप नगर उदाहरणीय जुयो वगु नपां देया नमूना नगर दयकेता सकलसिया साथ वः ग्वाहाली

दयमः धायो दिल ।

ज्या इवः सं खप नगरपालिका वडा नं १ या श्यामकृष्ण खत्री खप नगरपालिकां शिक्षा, स्वास्थ्य, सम्पदा व सुचुकुचुता हृदाय तयो ज्या साडः वगु खॉ नपां नगरदुनयया शिक्षक-शिक्षिकापिन्ता इलय-ब्यलय् क्षमता अभिवृद्धिया तालिम बियो वगु खॉ काडः दिल ।

विद्यालय व्यवस्थापन समितिया नायो सुर्य प्रसाद श्रेष्ठ ब्वनयकुथिया शैक्षिक प्रगतिया लागिं शिक्षक, अभिभावक व ब्वनामिपिनिगु तः हांगु लाहा दैगु खॉ ब्याकसे ब्वनयकुथि वैगु दायँ च्यागु तगिं नं चायकेता कुतः याडः चवंगु खॉ ब्याक दिल । वयकलं ब्वनयकुथि थाय मगागुलिं आखः ब्वंकयता भातिचा मछिडः वगुलिं थप भवन दयकेता खप नगरपालिकां मः काथं ग्वाहाली याय्ता धायो दिल ।

ब्वनयकुथिया प्रधानाध्यापक दिपक माकं ब्वनयकुथिया दाच्छिया प्रगति प्रतिवेदन पिब्वयो द्यगु खःसा नपली सृजनानगर समाजया नायो नारायण प्रसाद कोइराला, अभिभावक प्रतिनिधि, अप्सरा गौतम, शिक्षक जगन्नाथ दुम्रे, शिक्षिका कृष्ण माया बस्नेत, ब्वनामिपिनिपाखं संसार अधिकारी व एलिसा गौतमपिसं नं थः थः गु न्वचु तयो द्यगु खः ।

ज्या इवः सं मू पाहाँ प्रजापतिं ब्वनयकुथिया उत्कृष्ट अभिभावकपिन्ता दोसल्ला व हनापौ, वार्षिक परीक्षा व थी थी अतिरिक्त क्रियाकलापय तः ला पिन्ता छात्रवृत्ति, सिरपा व मेडल-दसिपौ इडः द्यगु खः । अः आना १९३ म्हा ब्वनामिपुं ब्वडः चवंगु प्राधानाध्यापक जू या प्रतिवेदनय दः ।

मिखाया शिविर

चैत्र २२ गते

खप नगरपालिका वडा नं ९ या ग्वासालय खप तिलगड्गा आँखा अस्पतालया प्राविधिक ग्वाहालीखय शनिवार दतात्रय त्वालय मिखाया जाँचया शिविर जू थाय २६४ म्हा मिसात व ६७ म्हा मिजंत याडः मुक्कं ३३१ म्हा स्थानीय वडाबासीपिनिगु मिखा जाँचय यागु खः । जाँचय यापुं मध्ये १३ म्हा मोतीबिन्दु व स्वम्हा जलबिन्दु दःगु खॉ खप तिलगड्गा आँखा अस्पतालया अप्थाल्मिक असिस्टेन्ट जिसम पौडेलं धःगु खः । शिविरं मोतीबिन्दु जुला धः पिन्ता खप तिलगड्गा आँखा अस्पतालय निःशुल्क उपचार याय्गु जलबिन्दु जुला धः पिन्ता थप उपचारया लागिं मः काथंया ब्यवस्था याय्गु अस्पतालया इन्चार्ज धिरज अधिकारीं धायो द्यगु खः ।

शिविर उलेज्या खप नगरपालिकाया उपप्रमुख रजनी



सच्छि व ढ्हयगुगु स्वप पौ, बःछि पौ (पाक्षिक)

जोशीं स्वास्थ्य सामग्री लः ल्हाडः याडः दिसे स्वस्थ नागरिकपिसं देश व समाजया लागिं योगदान याय् फैगुलिं ख्वप नगरपालिकां ख्वपया जनताता स्वस्थ याय्ता स्वास्थ्यता हृदाय तयो ज्या साडः च्वंगु खाँ काडः दिल ।

कार्यपालिकाया दुजः छोरी मैयाँ सुजखुं मिखाया शिविर तय मःगुया खाँ काडः दिलसा स्वास्थ्य स्वयंमसेविका मण्यश्वरी कोजू छँ छँ नर्सिड सेवा खं वडा नर्स व स्वयमसेविकापिसं याडः वगु योगदानया खाँ काडः दिल ।

७ नं. वडाय स्वास्थ्य शिविर

चैत्र २५ गते



ख्वप नगरपालिकाया प्रमुख सुनिल प्रजापतिया मू पाहॉलय ख्वप नगरपालिका वडा नं ७ वडा समितिया गवसालय, ख्वप

तिलगड्गा आखाँ अस्पतालया मंकः कुतलय 'आँखाशिविर' व सुगर प्रेसर जाँचया स्वास्थ्य शिविर सं न्वचु तयो दिसे प्रमुख प्रजापति जुं ख्वप नगरपालिकाया जनताया स्वास्थ्यता बिचः याडः ख्वप अस्पतालय् अलय नगरया थीथी थासय स्वास्थ्य केन्द्रत चायकः वगु खाँ काडः दिल । नपां वयकलं नगरबासीपिन्ता थी थी जटिल स्वास्थ्य समस्या ज्यकय्ता ख्वप अस्पताल चायकः वयागु खाँ काडः दिल ।

आधुनिक जीवन न्ह्याकः वसेलिं मनूतय्के न्हूँ न्हूँगु ल्वयत खानय दयो वगु खाँ ब्याकसे प्रमुख प्रजापति थः स्वस्थ जुयो च्वनय्ता नसा-त्वँसा खय बिचः यायमःगु खाँ नपां ख्वप अस्पतालय अतिआधुनिक स्वास्थ्य उपकरणत व मः काथंया स्वास्थ्यकमिपुं पाखं जनताया सेवा याडः वगु चर्चा नपां 'निरोगी मनूत लसतां जाइगु' ख्वपया जनतातय्ता सुखी व खुसी याय्ता नगरपालिका सेवारत जुयो च्वडगु खाँ काडः दिल ।

ज्या इवः सं वडा नं. ७ या वडाध्यक्ष उकेश कवां नं भीगु म्हासिडका पिब्वयो वगु बिस्का जात्रा शान्तिपूर्ण व भव्य रुपं डायकेता इनाप यासे नखा बलय् नसा-त्वसाखय विशेष ध्यान याय्ता धायोदिल ।

ख्वप तिलगड्गा आँखा अस्पतालया डा. अञ्जु सुवालं मिखा स्वयवलय चिच्याहांगु अंगजुसां नं श्व महत्वं जःगु जुगुलिं मिखाता विशेष हेरचाह याय मःगु धायो दिसे मिखा हिड्गु, चासुड्गु, मिखा हयोड्गु थजगु ल्वय जुलकीं डाक्टर मक्यंसं थमनं हे वास फ्वयो जूसा लिपा समस्या वैगुलिं खुल्लाय् छक मिखा जाँचय याकय् मः धायो दिल ।

बिस्का जात्रा व्यवस्थापनया बैठक

चैत्र २४ गते

ख्वप नगरपालिकाया गवसालय बिस्का जात्रा न्ह्याकय्गु व व्यवस्थापन याय्गु खाँ स्वापु दः पिनिगु बैठक यासे ख्वप नगरपालिकाया प्रमुख सुनिल प्रजापति जुं बिस्का जात्राता सभ्य, सुरक्षित व व्यवस्थित याडः डायकेता मः काथंया कुतः जुयो च्वंगु खाँ काडः दिल । वयकलं जात्राता व्यवस्थित याडः इलय हे न्ह्याकय्ता नगरबासीपिन्ता इनाप यासे पर्चा इयगु ज्या जुयो च्वंगु खाँ ब्याकसे जात्रा मर्यादित याडः क्वचायकेता नगरपालिका प्रतिवद्ध जुयो च्वंगु खाँ काडः दिल । वयकलं बिस्काजात्रा शान्तिपूर्ण काथं डायकेता अलय छुं काथंया अप्रिय घटना मजुईकेता फुक्कसिता सचेत जुयता इनाप याडः दिल ।

जिल्ला प्रशासन कार्यालय भक्तपुरया प्रमुख जिल्ला अधिकारी उमेश कुमार ढकालं बिस्का जात्रा भीगु थःगु मौलिक



सम्पदा खः धायो दिसे थुकिता अनुशासित व सभ्य ढड्गं डायकेता धायोदिल । वयकलं जात्राया इलय बिदेशी पर्यटकतनपां वैगुलिं सभ्यव्यवहार क्यनय्ता नं बः यासे न्हपा न्हपा म्वः मरुगु ज्याखय

सच्छि व न्हयगुगु खप पौ, बःछि पौ (पाक्षिक)

जूपिन्ता कारवाही याडागु खँ कुलः दिसे वयकलं थुगुसी नं अजगु ज्या याइपिन्ता नियन्त्रण याइगु, खँ ब्याकसे जात्राखय छयःगु सिँत न्हँगु व बल्लागु तयमः धायो दिल । गुठी संस्थान कार्यालय खवपया प्रमुख आनन्द कर्माचार्य जुं बिस्का जात्राया धलः पिबवयो दिल ।



याडः वगु, याय धुंगु ज्याया छलफल जुल ।
२) बिस्का जात्रा मर्यादित व भव्य याडः क्वचाय्केता गुठी संस्थान खवप पाखं पिबवगु धलः काथं २०८२ चैत्र २७ गते न्हिनय् सिया ३:०० ता इलय भैलख लुयो जात्रा न्ह्याकयगु अलय बहनी ६:०० ता इलय क्वचाय्केता स्वापु दःपुं फुक्क थःथःगु जिम्माया

पुजा- आज्ञा, भजन नपां फुक्क ज्या इवःत इलय हे क्वचाय्केगु ।

३) बिस्का जात्रा व्यवस्थित व मर्यादित काथं क्वचाय्केता २०८२ चैत्र २७ गते व मिति २०८३ वैशाख ५ गते भैलखः पूर्व (थः नय) पाखय सुकूलढोका बुलुबुलु हिती तक व पश्चिम (क्वनय) नासमना तक जक यंकय्ता फुक्क समुदायपिन्ता इनाप यायगु ।

४) बिस्का जात्रात व्यवस्थित व मर्यादित काथं डायकेता जनसमुदायता इनाप यासे खवप नगरपालिकापाखं बिस्का, जात्राया

बैठकय नगरपालिकाया जनप्रतिनिधिपुं, जात्रा व्यवस्थापन समिति, थी थी देगः या पुजारी, भैल नायो, खवप अस्पताल, नेपाल विद्युत प्राधिकरण, काठमाडौं उपत्यका खानेपानी लिमिटेड, नेपाल टेलिकम, भैरवनाथ नौ बाजा दाफा भजन समूह, जिल्ला प्रहरी परिसर भक्तपुर, ट्राफिक प्रहरी, जुद्ध वारुण यन्त्र व मेपुं स्वापु दःगु निकायया प्रतिनिधिपुंभःगु खः ।

बैठकय क्वः ज्यगु खँतः

१) खवपया ऐतिहासिक व सांस्कृतिक जात्रा बिस्का जात्रा मर्यादित व भव्य काथं क्वचाय्केता स्वापु दःगु संघसंस्था पाखं अःतक

पर्चा हवलयगु ।

५) खवपया लोकहवागु बिस्का जात्रा व न्हँगु वर्ष २०८३ या भिन्तुना ज्याली व सभा क्वय चवयो तयागु न्हि ल्या व इलय यायगु -

२०८२ चैत्र २७ गते शुक्रबार ज्याली न्ह्याइगु ई सुथाय् सिया ७:०० ताइलय्, ज्याली न्ह्याकयगु थाय् खवप नगरपालिका वडा नं. १ इनागं (१ वडा निसँ ५ वडातक यायपुं) खवप नगरपालिका वडा नं ९ दतात्रयं (वडा नं ६ निसँ १० वडा तकयायपुं) सहभागी याडः खवप नगरपालिका वडा नं. ५ तः माही सभा याडः क्वचाय्केगु ।

विश्व स्वास्थ्य दिवसया लसताय ज्या इवः

चैत्र २४ गते

विश्व स्वास्थ्य दिवसया लसताय खवप नगरपालिकाय मपुनिगु ल्वयया स्क्रिनिङ ज्या इवःसं नगरपालिकाया मुक्कं १०५ म्हा कर्मचारीपिनिगु स्वास्थ्य परीक्षण (स्क्रिनिङ्) यागुलि ४८ म्हा मिसापुं व ५७ म्हा मिजंत दःगु खः ।

स्वास्थ्यया कजि डा. रत्न सुन्दर लासिव काथं स्क्रिनिङया इवलय ७ म्हा मधुमेह (चिनीरोग) व १० म्हा उच्चरक्त चाप (प्रेसर) या समस्या दःपुं दःगु खःसा पोषण अवस्थाया मूल्यांकन याबलय कुपोषणया ल्वगित नं खानय् दत । ६० म्हा मध्ये नेम्हा पोषण मगापुं (अल्प पोषण) व ५८ म्हा पोषण अपः (अधिक तौल/लह्वंगु) अवस्था खानय् दःगु स्वास्थ्यया कजिं धःगु खः ।



सच्छि व न्हयगूगु खप पौ, बःछि पौ (पाक्षिक) अन्तरक्रिया

चैत्र २४ गते



खप नगरपालिकाया प्रमुख सुनिल प्रजापतिया मू पाहाँलय बिषादी न्यूनिकरणया लागिं बुँज्या (कृषि) व व्यवसायीपुं नपां अन्तरक्रिया नपां सचेतना ज्या इवः जुल ।

साँस्कृतिक ज्याभ्वः

चैत्र २६ गते



खप नगरपालिकाया प्रमुख सुनिल प्रजापतिया मू पाहाँलय नासःहैमा बाजा खलःया गवसालय जूगु न्हँगु वर्ष २०८३ व विस्का विशेष साँस्कृतिक ज्या भ्वः क्वचगु जुल ।

निरीक्षण

खप नगरपालिकाया प्रमुख सुनिल प्रजापति जु नपां वडाध्यक्षपुं खप नगरपालिका वडा नं. ७ खोंहे दयकः च्वंगु उपचार पुखु दयकच्वंथाय् हे भायो स्वयो दिल ।

जनश्रमदान

चैत्र २५ गते



वडा नं. ७ खँचा फल्चा दानयगु इवलय् पोल्हँ चियगु ज्याखय जनश्रमदान यासे स्थानीय जनता । जनप्रतिनिधिपुं निरीक्षणया इवलय ।

इनाप



बिस्का जात्रा शान्तिपूर्ण ढंग डायकेता थ्वँ, ऐला थजगु अमलया वस्तु ममियता प्रहरीया इनाप नपां पसलय जाँच याडः चैत्र २५ गते निसँ २०८३ वैशाख ५ गते तक ममियता इनाप यागु जुल ।

जनश्रमदान

खप नगरपालिका वडा नं ४ तालुदोंफ्व फल्चा दानयगु इवलय श्रमदान याडः च्वंगु जुल ।

दँ बुदिं:

चैत्र २६ गते



खप मा.वि.या २६ कगू, खप कलेजया २४ कगू, शारदा क्याम्पस मा. वि. या १८ कगू व खप कलेज अफ ल या स्वकगु दँ बुदिं समारोह २०८२ चैत्र २६ गते विहिवार जुल । उगू समारोह नेपाल मजदुर किसान पार्टीया हानयबम्हा नायो भाजु नारायण मान बिजुकुछें (रोहित) जुं पानसय मताच्याक उलेज्या याडः द्यूगु खः ।

ज्या इवः सं मू पाहाँ बिजुकुछें जु, कलेज/ मा. वि. व्यवस्थापन समितिया नायो भाजु नपां खप नगरपालिकाया प्रमुख, सुनिल प्रजापति, उप प्रमुख रजनी जोशी, वागमती प्रदेशया सांसद सुरेन्द्र राज गोसाइँ, खप नगरपालिकाया प्रमुख प्रशासकीय अधिकृत वसन्त भट्टराई, खप कलेजया प्राचार्य प्रकाश कुमार श्रेष्ठ, खप कलेज अफ ल या प्राचार्य अनिता जधारी, खप मा.वि या प्राचार्य लक्ष्मी प्रसाद कर्मचार्यपिसं न्वचु तयो द्यूगु खः ।

नायो भाजु बिजुकुछें जु नेपालय गुणस्तरीय शिक्षा मदयकः मगा धायोदिसे अःयायगु शिक्षा नीतिं व्यावहारिक व वैज्ञानिक शिक्षा बिय मफूगु खाँ कुल दिसे वयकलं 'शिक्षा दसिपौ कायगु काथंया जक जुय मज्यू जिम्मेवार व सक्षम नागरिक ब्वलांकयगु तातुना शिक्षाया जुयमः धायोदिल ।

ब्वनामिपिन्ता बांलागु, भिंगु शिक्षा बियता शिक्षाप्रणाली सुधार याय मःगु खाँ व्याकसे वयकलं नेपालं स्वतंत्र व संतुलित परराष्ट्र नीति कःघाय मः गु, तःतः हांगु राष्ट्रया प्रभाव्य लाडः निर्णय याय मज्यूगु नपां राष्ट्रिय हितता बिचः याडः पला छियमः धायोदिल ।

थौ कन्हेया अन्तरराष्ट्रिय परिस्थितिया खाँ काडः दिसे वयकलं अन्तरराष्ट्रिय शक्ति सन्तुलन, आर्थिक प्रतिस्पर्धा व भू

राजनीतिक तनावं चिच्या हांगु अलय विकासशील राष्ट्रतयता लिचवः लाडः च्वंगु खाँ व्याकसे विश्व राजनीतिं नेपालय नं तप्यंकः वा बेक्वयकः लिचवःलाडः च्वंगुलि भी सचेत जुयमःगु अलय नेपालय न्हँगु सरकार निःस्वांगुया प्रक्रिलया काडः दिसे राजनीतिक दलतयसं जनताया आशा काथं स्थिर व उत्तरदायी सरकार दयकेमःगु, बारम्बार सत्ता हेरफेर जुयो च्वसेली विकास व नीतिगत स्थिरता खय लिचवः लाकिगुलिं स्पष्ट नीति व दीर्घकालीन दृष्टिकोण ज्वडः सरकार हज्यायमः धायो दिल ।

स्थानीय उत्पादन प्रवर्द्धन पाखं देया आर्थिक विकास याय फँगुलिं विदेशी वस्तु ह्यगु म्हवचा या यां नेपाली उत्पादनता हदायतयो वानयमःगु खाँ व्याकसे वयकलं ब्वनामिपिन्ता पाठ्यक्रमय जक लिंकुंकः मतसं साहित्यिक व समसामयिक साफूत ब्वनयता घवायःगु, ब्वनामिपिनिगु (दृष्टिकोण) स्वपुकुं तः व्याकः यंकयता शिक्षक प्राध्यापकपिसं मेहनत याय मःगु खाँ काडः दिल ।

वागमती प्रदेशया सभासद सुरेन्द्रराज गोसाइँ जुं न्हँगु पुस्ताया भविष्य शिक्षा प्रणाली व वर्तमान राजनीतिक सामाजिक अवस्थाया चिन्ता प्वकसे न्हँगु पुस्ताया खःगु लौपुइ डायके मःगु, वर्तमान अवस्थात चिन्तन मनन याय मःगु न्हँगु पुस्ताया औपचारिक शिक्षाखय जक लिंकुंकः मतसं वास्तविक जीवनया अनुभव नपां स्वायमः धायो दिल ।

शिक्षकपिनिगु भूमिकाता विशेष बः यासे ब्वनामिपिन्ता देशप्रेमया खाँ स्पँ स्पँ दे म्वाकः तयता ब्वनामिपिन्ता मचात बलय निसं देशभक्तिं जःगु भावना ब्वलांकः इतिहास, संस्कृति ब्वनयता उत्साहित यायां नागरिक भावना बियगु राज्यया दायित्व खः धायोदिल ।



सच्छि व ढ्हयगुगु स्वप पौ, बःछि पौ (पाक्षिक)

स्वापु दःगु पक्ष व शिक्षाविदत नपां सल्लाह मयासें शनिवार व आइतबार नेन्हू बिदा बिडगु मिलय मजुधायो दिसे वयकलं पश्चिम देशय् ब्वडः वपुं सल्लाहकारपुंपाखं प्रभावित जुयो थ्व निर्णय यागु खःसा थुकिं देया शिक्षा लागाय् अज समस्या याइ धायोदिल ।

वयकलं देशप्रेम इरानी जनतापाखं सयके मः धायोदिसे अमेरिकी राष्ट्रपति ट्रंप इरानी सभ्यता धू याडः बिय धायवं हे यक्व यक्व इरानी मिसात, मचात, ल्यासे ल्याम्होपुं आत्मबलिदानया भावनां प्याकः प्रतिकारय् दाड, वगु घटना अभूतपूर्व जगु खौं नपां शिक्षकपिन्ता मदिकक तालिम बियमः धायोदिल ।

ज्या इवः या सभाया नायो नपां ख्वप सञ्चालक समितिया नायो सुनिल प्रजापतिं ख्वप मा.वि. / कलेज निः स्वांगु ई या खौं कुलः दिसे ख्वप थौं या अवस्थाय् थंगु शैक्षिक लागाय् विशेष उपलब्धी खः धायोदिसे ख्वप दे ज्ञान-विज्ञानया केन्द्र काथं हज्याडः वगु नपां शैक्षिक लागाय् ख्वप विशेष जगु खौं काडः दिल ।

वयकलं ब्वनामिपुं म्हवँ जगुया कारण काडः दिसे सरकारं विदेशी विश्वविद्यालय चायकेता अनुमति ब्यूगु, स्थानीय काथं चायकः

तःगु शैक्षिक संस्थाता कंकु क्यंकगु खौं काडः दिसे शैक्षिक लागु हछ्याय्ता परीक्षा प्रणाली सुधार याय मःगु खौं नपां नेपाल विदेशीतयता दांपुं ज्यामि ब्वलाकिगु थाय् जुयफःगुलिं सचेत जुयमः धायो दिल ।

ख्वप नगरपालिकाया उप मेयर नपां कलेज व्यवस्थापन समितिया उपाध्यक्ष रजनी जोशी बिस्का जात्राया खौं नपां भिन्तुना देछायो दिल । अथेहे ख्वप नगरपालिया प्रमुख प्रशासकीय अधिकृत वसन्त भट्टराई ई काथं शैक्षिक लागाय् नं हयूपा हयमःगु खौं काडः दिल ।

ज्या इवः सं ख्वप कलेजया प्राचार्य प्रकाश कुमार श्रेष्ठ ख्वप मा.वि. या प्राचार्य लक्ष्मी प्रसाद कर्माचार्य व ख्वप कलेज अफ ल या प्राचार्य अनिता जधारी पिसं विद्यालय कलेजया दांछिछ्या प्रतिवेदन पिब्वगु खःसा च्वजःपुं ब्वनामिपुं हिदा व नीडादा सेवा यापुं शिक्षक, कर्मचारी पिन्ता हानयज्या व ख्वप इन्कुवेशन ल्यावया ग्वसालय प्यकगु हाटबजारय् ५२ गू स्टल तयो पिब्वगु खः ।

ब्वनामिपिसं सांस्कृतिक प्रस्तुति नं औपचारिक ज्याइवः लिपा क्यंगु जुल ।

साइनिङ्ग स्टुडेन्ट एकेडेमीया दँ बुदिं

चैत्र २६ गते



ख्वप नगरपालिकाया प्रमुख सुनिल प्रजापतिया मूपाहाँलय साइनिङ्ग स्टुडेन्ट एकेडेमीया २८ कगु बुदिं, प्रिकक्षा दीक्षान्त समारोह, सिरपा लःल्हाय्गु व साँस्कृतिक ज्याः इवःसं उलेज्या याडः दिसे प्रमुख प्रजापति जुं ब्वनामिपुं देया कार्णधार जगुलिं कन्हेया लागिं देया जनशक्ति वा दे याय् हे न्हलुवा जुय फःपुं कुशल व्यक्ति दयकेता शिक्षकपिसं ब्वनामिपिनिगु संस्कार, बोली बचन, व अनुशासनय् ध्यान तयमः धायोदिसे ब्वनामिपिन्ता व्यावहारिक व नैतिक शिक्षा नपां-नपां स्थानीय भाषा व संस्कृति ल्यंकः म्वाकः

तयमः धायगु भावना ब्वलांक यंकेंगु तातुडः ख्वप नगरपालिकां स्थानीय पाठ्यक्रम दयकः भाय, तिसावस नसा त्वँसा थजगु थी थी ज्ञानत बियगु तातुड नगरया ९२ गू तुं ब्वनयकुथि ब्वंकः वयो च्वंगु खौं काडः दिल ।

ख्वप नगरपालिका वडा नं. ४ या वडाध्यक्ष उपेन्द्र सुवाल ब्वनामिपिन्ता ब्वंकय्गु नपां अतिरिक्त क्रियाकलापय नं ब्वति काय्कः चाकलीं विकास याकय्गु ब्वनयकुथिया कर्तव्य खः धायोदिल ।

विद्यालय व्यवस्थापन समितिया नायो गौरी छुस्याकीं नैतिकवान व व्यवहारिक याय्ता ब्वनयकुथिया तः हांगु लाहा दैगुलिं ब्वनयकुथिं देश विदेशय जुयो च्वनिगु थी थी कासाया धिं धिं बल्लाय् तः लागुलि लयता प्वंकः दिल ।

ब्वनयकुथिया प्रधानाध्यापक रबिन छुस्याकीं ब्वनामिपुं छु याडः च्वना धाय्गु खायँ अभिभावकपुं सचेत जुयमःगु खौं लिसे थः पिसं अनुसासन व सुचुकुचुखय विशेष बः याडः च्वडागु दः धायो दिल ।

गःपलि टोलेसुधार समितिया नायो राम कृष्ण प्रजापति ब्वनयकुथि अभिभावक व समाजया मंकः कुतलं जक ब्वनामिपुं बांलाई धायो दिल । ज्या इवःसं मू पाहाँ सुनिल प्रजापति जुं व पाहाँपिसं च्वजःपुं ब्वनामिपिन्ता सिरपा, टूफी व दसिपौ लः ल्हाडः ब्यूगु खः ।

लोकं ह्वागु बिस्का जात्राया भिन्तुना सभा

चैत्र २७ गते

लोकह्वागु बिस्का जात्रा व न्हूगु वर्ष २०८३ या लसताय जूगु भिन्तुना सभासं ज्या भूवः या सभापति नपां खप नगरपालिकाया प्रमुख सुनिल प्रजापति जुं बिस्का जात्रा सकलसिया मंकः जात्रा जूगुलिं, च्याचा गुन्हूतक न्ह्याइगु थुगु जात्रा हलिमयया सकलसिया ध्यान साल च्वंगु खॉं नपां अपलं पर्यटकपुं द्रहं वयो च्वंगुलिं थुगु जात्रा अन्तरराष्ट्रिय स्तरया थ्यंगु दः धायो दिल । सम्पदाया सहर खपय् थुगु जात्रा सभ्य, भव्य व सुसंस्कृत काथं डायकेता स्वापु दःपुं सकल पक्षया दशवी समन्वय जुयो च्वंगु नपां दुर्घटना जुय फःगुलिं सचेत जुयमः धायोदिल ।

ज्या भूवः सं उपप्रमुख रजनी जोशी बिस्का जात्रा भी सकलसिया साभा सम्पति जूगुलिं पुर्खा दयकःतकगु सम्पदात ल्यंकः, म्वाकः, भिंकः तयगु भी सकलसिया कर्तव्य खः धायो दिल ।

वयकलं जात्राया महत्व काडः दिसे खः दयकिपुं सिंकमि दाजु किजापुं इन्जिनियर पिन्केति दक्षता दःपुं खः धायो दिल ।

प्रमुख जिल्ला अधिकारी उमेश कुमार ढकालं बिस्का जात्रा लसतां जायकः शान्तिपूर्ण काथं डायकेता इनाप याडः दिल । वयकलं खपया जात्रा आकर्षणया मू थाय् जूगु खॉं काडः दिसे म्वाःमरुगु ज्याखं तापाक्क चवनयमःगु थुकि मूकाथं ल्यासे ल्याम्होपुं जिम्मेवार जुयमःगु खॉं नपां धार्मिक आस्थाता सम्मान यासे भैलखतय लकां न्ह्याडः थाहाँ मवानय्गु, अपां कयकिपुं मन्तयता प्रहरीया निगरानीखय तय्गु खॉं नपां सुरक्षाया लागिं मःकाथंया तयारी जुय

‘सच्छिदा लिपाया भक्तपुर’

चैत्र २९ गते

नेपाल मजदुर किसान पार्टीया नायोभाजु, वरिष्ठ राजनीतिज्ञ नपां स्वप्नद्रष्टा नारायणमान बिजुक्छें (रोहित) जुं च्वयो द्यूगु ‘सय



धुंकगु खॉं नं काडः दिल ।

गुठी संस्थान कार्यालय भक्तपुरया आनन्द कर्माचार्य जात्राता अझ हायपुक डायकेमःगु व अःतकया तयारीया खॉं काडः दिल । वयकलं भैलखः न्हिनयसिया ३:०० ताइलय निसें लुइगु खॉं नं काडः दिल ।

ज्या भूवः सं लसकुस न्वचु तसे ५ नं. वडाया वडाध्यक्ष योगेन्द्रमान बिजुक्छें जुं जात्रा छगू नखा जक मखुसें छगू उत्सव नं खः धायो दिल । वयकलं थःवं थःया भावना ब्वलांकः यंकय् मःगु नपां त्वालय –त्वालय नं जात्रा त याइगुलिं थुकिया अझ महत्व दःगु खॉं काडः दिल । ज्या भूवः सं वडा नं ९ या वडाध्यक्ष रबिन्द्र ज्याख्वं नं न्वचु तयो द्यूगु खः ।

साफूया परिचर्चा ज्या इवः

वर्षपछिको भक्तपुर’ (सच्छिदा लिपाया खप दे) स्वकगु संस्करण आइतबार छगू विशेष समारोहयासे पिताब्वज्या जुल । उगु साफू पार्टीया नायोभाजु नारायण मान बिजुक्छें, खप नगरपालिकाया प्रमुख सुनिल प्रजापति, उप प्रमुख रजनी जोशी, पुरातत्वविभागया महानिदेशक सौभाग्य प्रधानाङ्ग, इतिहासविद प्रा.डा. पुरुषोत्तमलोचन श्रेष्ठ, वरिष्ठ मानव शास्त्री प्रा.डा. सुरेश ढकाल, इन्जिनियर पद्म सुन्दर जोशी, सम्पदाविद रबिन्द्र पुरी व खप नगरपालिकाया प्रमुख प्रशासकीय अधिकृत वसन्त भट्टराईजु पिसं मंकलं पिताब्वज्या याडः द्यूगु खः ।

पुरातत्वविद, इतिहासविद, सम्पदाविद, सम्पदाया ज्ञान दःम्हा इन्जिनियर, शिक्षाविद, स्वास्थ्यविद, बुद्धिजीवी, पूर्वजनप्रतिनिधि, च्वमि, कवि, राजनीतिक कार्यकर्ता, समाजसेवी व सम्पदाप्रेमीपुं अपलं मुंगु उगु मुंज्यासं खप नगरपालिकापाखं पिथांगु थुगु साफूया परिचर्चा जुगु खः ।



सच्छि व ढ्हयगुगु स्वप पौ, बःछि पौ (पाक्षिक)

उगु ज्या इवः सं साफू च्वमि नपां पार्टीया नायोभाजु नारायण मान बिजुक्छें (रोहित) जुं ख्वप दे विश्व सम्पदाया धलः खय लागू खाँ कुलः दिसे कला व संस्कृति ल्यंकः, म्वाकः व भिंकः तःगु सांस्कृतिक नगर ख्वप दे दयकेगु तातुडः ख्वप देता 'टेष्ट ट्यूब' काथं काय्केता 'सच्छिदा लिपा या ख्वप दे' च्वयागु खाँ ब्याकः दिल ।

उकिया दशवी छुं पंगः त मवल धःसा सच्छिदा लिपा म्हागस पूवानिगु विश्वास प्वंकसे वयकलं उगु बिचः पूवांकयता सांस्कृतिक नगर दयकेगु विधेयक संसदय् पिब्वयागु खाँ या लुमन्ति काडः दिल ।

सांस्कृतिक नगर दयकेगु इवलय थी थी (प्रक्रिया) ज्या त हछ्याडागु इलय ऐन कानून मदयो नगरपालिकाय् समस्या वैगुलिं सांस्कृतिक नगर दयकेगु विधेयक पेश याडागु खाँ ब्याकसे वयकलं संग्रहालयता शिक्षालयकाथं हछ्याय मःगु खाँ ब्याकसे चिडियाखाना मरुसा पशुपन्थीत मदयो वानिगु खतरा दै धायो दिल ।

ख्वप दे चिच्याक्वगु नगर, चिच्याक्वगु जिल्ला, निश्चित भाय ल्हाइपुं भाषाभाषीतय्गु व जनजातिपुं च्वडः च्वंगु थाय, राजधानी थिडुकः च्वंगु ज्या सानय अः पुडुगु थाय जुगुलिं उगु विचः पू वानिगु विश्वास यासे उगु सडुकल्प देया नितिं हे ज्या लगय जुइगु खाँ काडः दिल ।

पुरातत्व विभागया महानिर्देशक सौभाग्य प्रधानाङ्गं ख्वपया कला, संस्कृतिक व सम्पदा ल्यंकः, म्वाकः, भिंकः तयगु ज्यायाता हदाय तयो पिथांगु साफू गुर्योजना थें जूगु खाँ ब्याकसे कला, संस्कृति व सम्पदा ल्यंकः, म्वाकः व भिंकः तयगु ज्या ख्वपय थें जुय मःगु खाँ जिल्ला जिल्ला थ्यंगु खाँ काडः दिल ।

उगु साफूया लिधंसाय ख्वप नगरपालिकां याडः च्वंगु ज्या च्वछाय बहजू धायोदिसे अजगु ज्या मेगु नगरपालिकां नं डाल काय बह जुगु खाँ ब्याकसे देगः, फल्चा, मठ दयकेता सहलियत दरं सिं न्यायता ग्वाहाली यायगु धायोदिल ।

इतिहासविद प्रा.डा. पुरुषोत्तमलोचन श्रेष्ठं नेपः या सांस्कृतिक पुनः जागरणया संवाहक नारायणमान बिजुक्छें जुं च्वयो द्युगु थुगु साफू राजनीतिक, प्रशासनिक, सांस्कृतिक, धार्मिक, पुरातात्विक थी थी ल्याखं हलिमय ब्याक सकलसिया लागिं मूर्त अमूर्त सम्पदा ल्यंकः, म्वाकः, भिंकः तयता लाँपु क्यनिगु मार्ग निर्देशककाथं जुइगु खाँ काडः दिल ।

सत्ता क्वः दसां संस्कृति क्वः दैमखु धायोदिसे वयकलं साफूया धापुत व्यवहारय ह्यता ख्वप नगरपालिकां ज्या याडः च्वंगु बिचः प्वंकसे ल्वाभलं सत्ता कब्जा यासां व थायया मनूतय्गु संस्कृति लाक काय फैमखु धायोदिल ।

ख्वप नगरपालिकाया प्रमुख सुनिल प्रजापति जुं साफूया विषय भन भन जनतायाचासो अप्वयो वगु खाँ ब्याकले उकिया

लिधंसाय ख्वप नगरपालिकां थुगुसाफू पिथानयगु क्वः छिडागु, थौं वहे साफू पिताब्वज्या याडागु खः धायो दिल । वयकलं साफूति कन्हेया ख्वप देया भविष्य नपां स्वाडः, च्वंगु शिक्षा, स्वास्थ्य सुचुकुचु, पर्यटन, सम्पदा ल्यंकः, म्वाकः, भिंकः तयगु, यातायात थजगु विषय दुतिडः तःगु अलय नगरया जनशक्तिता छ्यलयगु पाखय हज्याता धायो तःगु खाँ ब्याकः दिल ।

उपप्रमुख रजनी जोशीं देया कला, संस्कृति व चाकलीं विकासया म्हागस पिज्वगुया लिधंसाय उगु साफू च्वयो द्युगु खाँ न्हिथाडः दिल । वयकलं साफू न्हंगु पुस्ताता सचेत व लाँपु क्यनिगु विश्वास प्वंक दिल ।

सम्पदाविद रबीन्द्र पुरीं अथेहे हिदाति हौं अंग्रेजी भाषं भाय ह्युगु थुगु साफूया परिचर्चा याय खांगु लुमांकसे साफूया लिपा थ्यंकया दूरदर्शी सोच थौं नं उलि हे सान्दर्भिक व ज्या लगय जूगु खाँ काडःदिल ।



स्रष्टा समाजया नायो भाजु लक्ष्मण जोशीं उगु साफू ख्वप नगरपालिकाता लाँपु क्यनिगु जक मखुसँ फुक्कया गुर्योजना काथं काडः दिल । वयकलं नगरता अज च्वजायकेता साफूतिं तहांगु ग्वाहाली याइगु सम्पदा बांलाकयता स्पष्ट खाका कियता ग्वाहाली जुइगु खाँ काडः दिल ।

ख्वप नगरपालिकाया प्रमुख प्रशासकीय अधिकृत वसन्त भट्टराई जुं ख्वप नगरपालिकाया विकासया नितिं साफू लाँपु क्यडः च्वंगु खाँ काडः दिलसा राजेन्द्र बहादुर कायछं साफू ख्वपया कला संस्कृति ल्यंकः, म्वाकः तयता ग्वाहाली यागु, खाँ नपां च्वमि भाजुकय दिगो विकास यायगुलि दूरगामी बिचः दःगु खाँ प्वंकः दिल ।

आर्किटेक रबिना शिल्पकारं ख्वपया ऐतिहासिक व सांस्कृतिक महत्व काडः दिसे ख्वपया लय लय पतिकं जुइगु जात्रा पर्व व सांस्कृतिक पर्व त डायकेगुलिं अजगु सम्पदातयता व्यवस्थित याडः पिब्वय फैगु बिचः प्वंकः दिल ।

ज्या इवः सं वडा नं. ९ या वडाध्यक्ष रबीन्द्र ज्याख्वं नं न्वचु तयो द्युगु खः ।

सहकारी दिवसया लसताय प्रवचन ज्याइवः

२०८२ चैत्र ३० गते)



ब्रम्हचारिणी आ.वि. या भवन निःस्वान

२०८२ चैत्र १९ गते)





‘सचिछद्दा लिपाया भक्तपुर’ बाफू पिताछ्वज्या

२०८२ चैत्र २९



बखप मा.वि./कलेज/शाखदा क्याम्पस व बखप कलेज अफ ल या दँ छुदिँ

२०८२ चैत्र २६